

Ta Uwo Bolofei Jonha Nalaj

Tawale Ta

O Jon ɛme Yesuha dabai degedi o ta.* Ege you ɛ huo Jonbe naladiyo mei. Eme Yesuha mogoyodeno nalagadi.

Godiha ta kuguo olo fei Jonha nalagaibe kuhe:

Ta Uwo Bolofei Jonha Nalaj

Egei Sasafei Jonha Nalama Nei

Egei Sasama Jonha Nalama Nei

Egei Koma Jonha Nalama Nei

Mogogou Ta Yesu Kelesuha Jonkou Hegei

Jon ɛme gisiai kelegebe, Yesu sesele sulugi, odo degeimo be, ɛ kuguo sudo nalagai.

Ta Uwo Bolofei Jonha Nalaj kuguo kuoko be, ege Yesube Ta Bolodo keyode nalaj. Ta Bolodo kaha o bagama hagua, o sasai dibo de delei. Jonha o sasai olo fei Godiha Dihi Yesuko damaleyodemabodomo, Yesube Kelesu, Godiha maka dege tobo mo, di mamoyuyadomo hagueiyode nalaj. O koyoha Yesuko damaleyodebabe, o keme fi tofousogo tofousogo tofolo ke molooyuyode nalaj.

Haba tabe Jonhage ta makai sudo Yesuha hehegiei ke nalagai. Sa sibige kooumaha

* : **(Tawale Ta)** Jon, kuguo koou nalaj keme fafeleya degedi o Jon mei. Yesuha ɛ dabai o ta.

bi sũdo kuokoū ta makai kē toboū dibe, Yesuhā damaleyodele kahā midihõ kē dimokoū hehegiedi. Kegei degemoū, ta makai kuguo kuokoū nalaībe wiboū, huēiboū, oū boū, hohõboū, tigi kolo huēi gofōudoboū, wai sipsip dia daladi oboū oloū fēi kokoū mā tobou kē nalagai.

Kuguo Jon kōumahā ta sibigē tanoū tanoū oloū fēibe kuhē:

Tā Hiye 1

Tā Bolodo kahā o бага haguamoū o sasaīboū de delei.

Tā Hiye 2-4

Yesuhā ē hūboū ē nelēboū hiyedo kē dimokoū hegilamoū midihõ gehē gehē yoma miloū gai.

Tā Hiye 5-10

Yesuhā ē dabai degeligibe, misiholo duwodi sawisieiboū, Godihā sawisiēi hiye kēboū oloū fēi hehegiedi.

Tā Hiye 11-12

Yesu ē sa Judiaboū Jerusalemboū kele ile folo sumoū, hiye o kediā ē walamoū doususulo i

Tā Hiye 13-17

Yesuhā ē dabai degedi o kediamokoū, amē nī toū fogoū, mā Ayekoū bohouloū mā ileyode tobou.

Tā Hiye 18-20

Yesu e do duguo tolomou, haba hagua gehe degei.

Ta Hiye 21

Yesuha e dabai degedi o kediamokou haba tage tama degei.

Ta Bolodo kaha o бага haguamou o sasai bou de delei

(Ta Hiye 1)

Ta yo u kegenou dalale ta kaha o bagi

¹ Afudo, Godiha bi ta milou li mei kelegebe, Ta Bolodo keme yo u kegenou delei. Ta keme Godibou de delei. Haba Ta kenou be eme Godi.

² Afudobe, Ta Bolodo keme Godibou de delei.

³ Godiha degeiye, Ta Bolodo kaha bi olou fei milou gai. Haba Ta Bolodo keme ta deleli mei debabe, bi olou fei ta tama degeli mei.

⁴ Ta Bolodo keme fi gehe yo u kegenou dalale ke nedi o. O sasaiye e dugumou be, hoho hiyedo ke dugulo idi.

⁵ Hoho hiyedo kaha hulia kokou hohogumou be, hulia kahage hoho keme ta somo udiyo mei.

⁶ Kegemou, Godiha o ta tobou mou haguei, e hube Jon.

⁷ Jon e hagueibe, hoho hiyedo ke hehegielamou haguei, o sasai olou fei damaleyodemabdomou.

⁸ Eme hoho hiyedo ke mei. E hagueibe, hoho hiyedo kenou hehegielamou kuhe haguei.

⁹ Hoho keme damaledo hoho. O sasai olou fei dimokou hohogudi kaha hagonaladi.

¹⁰ Godiha degeiye, Ta Bolodo kaha sa sibige olou fei kou milouye, kenou si e sa sibige kuokou migile dalamou be, sa sibige o sasai kediage eme ta tawale ili mei.

¹¹ Eme you e sabekou hagua feleije, kenou si you e obiyei kediage emokou hoho degele ili mei.

¹² O sasai emokou hoho degemou, damaleyodele imou be, e degeiye diame Godiha sisigo degele i.

¹³ Godiha sisigo degei keme aye adiou kedia bi mei, tou ha bi mei, o ta e bi meido. Godiha sisigo degei keme Godiha you e binou.

¹⁴ Ta Bolodo kaha o бага hagua felemou, o dibou de delei. Di dugube, e hubou, e nele hiyedo kebou de dalamou dugu. Aye Godiha you e huya e Dihido ke tobou mou hagua dalali, di habaguguemou, e Ayeha ta damaledo ke dimokou hehegiei.

¹⁵ Jonha o kaha degele ke hehegedibe, e ta hiligedo, o ma habage haguale o kahage ame gaba feleido. Yobe, a deleli mei kelegebe, eme you kegenou delei kaha.

¹⁶ Eme o habaguguedi o kaha degemou, e di hiyedo habaguguemou idi.

¹⁷ Godiha Moses tobou mou, kou guai o kediamokou e kuolou ta ke kou nei. Kenou si Godiha haba tobou mou, Yesu Kelesuha hagua,

di habagugueguomou, e ta damaledo ke dimokou hegi.

¹⁸ Godibe o tae ta duguli meido. Godiha e Dihi diliebe bolou mei, tanou feido, yonu e Dihido, e Ayeha duwo kokou duwo, enou si e Aye duguomou, dimokou kou hegi.

*Fafeleya degedi o Jonha egei tobou
(Matyu 3:1-12; Mak 1:7-8; Luk 3:15-17)*

¹⁹ Juda hiye o, sa Jerusalem tie kediage mogou du dalaguadi obou,* Livaiha huti obou kedia tobou mou ya, Jonkou name koyo? de yodulo i.

²⁰ Kege yodulo imou, e ta ogou gali mei, tama dege, ame Godiha makai o Kelesu* meiyodei.

²¹ Dia yodulo i, hababe name koyo? Name Elaija? Ke mei, ame Elaija mei. Name habage-degele-duguo-tobou di-o ei e haguale ke baha duwogua o ke? Ke mei, ame o ke meido.

²² Dia emokou haba yodulo i, name koyo? O eimokou tobou mou haguasiei kediamokou be, eige kage tobolou? Nage nonusiebe kage tobou ya?

²³ E habage-degele-duguo-tobou di-o Aisaiaha kou tobou sagai kegenou,

* **1:19 1:19** *Mogou du daladi o keme* ('pris') Godiha moso kodu dabai degedi. Godibe tagetou dalamou, ha o sagai kedia hayedu dalamou, eme mogou du daladi. * **1:20 1:20** *Kelesube* Godiha di mamouuyadomou makai o.

Hebe mei mihinōu sa kelege Hiye Oha e a doususumabeede tobolou ta uwo ke, *Ai-saia 40:3* keme anou.

²⁴ Juda hiye o kediana tobou mou haguasiei, o ilo kelege Farisi o.

²⁵ O kediane Jonkou kou gue yodulo i, name Godiha makai o Kelesu mei, name Elaija mei, name habage-degele-duguo-tobou di-o ke mei debabe, kageimou na o sasai fafeleya degeiya?

²⁶ Jonha kou gue tobou, age talekou nou fafeleya degedi. Kenou si o tabe nibou de kile kou dalaye, nige ta tawale iyo mei.

²⁷ O keme ma habage haguale. E hube folodo dala kaha degemou, e hagubabe, age e abogou moso kai keme ta tegile sagai mei.

²⁸ Jonha ta olou fei ke toboube, sa Betanikou ge tobou. Sa keme to Jordan ilobou dala. Kokou ge Jon e o sasai fafeleya degedi.

Yesube Godiha wai sipsip wili

²⁹ Sabiyomou, Jonha Yesu emokou hagumou dugumou tobou, duguma, Godiha wai sipsip wili eme hagulu kuhe. Eme sa sibige o sasai di midihog kasagai ke igile mugulamou hagulu.

³⁰ O koume, a o ma habage haguale o tahage ame gaba feleido. Yobe, a deleli mei kelegebe, eme yoku kegenou deleyodeibe kuhe.

³¹ Ane eme defeido o kedade tawali meye, kenou si Israel o sasai ni e tawamabadomou, a ni kuhe talekou fafeleya degega dala.

³² Kegemōu, Jonhā ē dugu kē kōu gue hehegiei, Duo Bolofeiḥā hebenitōu ge sio isusu бага fulōu migile emokōu biyoumōu duguyodei.

³³ Ane eme defeido tawali meiyē, kenōu si o amokōu tobōu mōu, talekōu fafeleya degeli kaha amokōu kōu gue kōu tobou, nā dugulobe, Duo Bolofeiḥā o ta kokōu migile duwoba dugubabe, keme o ē Duo Bolofeiḥā neleyenōu o sasai fafeleya degeleyodeibe kehe.

³⁴ A dugo tawalemōu, nīmokōu kōu gue kōu tobou, o koḥume damaledo Godihā Dihiyodei.

O kamadia kege Yesuhā dabai degedi o degele i

³⁵ Sabiyoumōu, Jon ē haba ē dabai degedi o bolōubōu de kele tefeleguei.

³⁶ Tafalaguali dugube, Yesu hagua dohōu gōu imōu, Jonhā tobou, nī duguma, Godihā wai sipsip wilibe ili kuhe.

³⁷ Dabai degedi o bolōu kedilie tā kē dulomōu, diliene Yesu sesele yai.

³⁸ Youmōu, Yesuhā boholōu mōu dilie duguomōu, yodu, nele kej tagaiya? Dilie yodulo i, Rabai, nāme kilija tiadiya? Tā Rabai kaha sibigebe Tisa Hiye.

³⁹ Yesuhā tobou, nele dugu haguama. Dilie habi degeimōu ya fologamōu, ē tiadi moso kē dugo, ebōu de kele dalaguali, huliā degei.

⁴⁰ O bolōu, Jonhā tobōu mōu, Yesu sesele yai tabe Andru, Saimon Pitahā ē mala.

⁴¹ Andru e toto ile, e eye Saimon duguomou, Mesaiabe ele duguyodei. Hu kaha sibigebe Grik taege Godiha makai o Kelesu.

⁴² Kegemou, Andruha e eye Simon Yesukou wolou i. Yesuha emokou masemamou tobou, name Saimon, Jonha dihi. Kenou si ne hu tabe Sifasyodele ile. Grik taege Pita. *

Yesuha o Filipbou o Natanielbou hagnosisai

⁴³ Sabiyomou, Yesu e sa Galilikou fogou ilamou degei. E o Filip geleguomou, emokou tobou, na a sesele hagua.

⁴⁴ Filip eme sa Betsaida o. Andrubou Pitabou dia sa tanou.

⁴⁵ Kegemou, Filipha o Nataniel geleguomou tobou, Mosesha e kuolou ta nalagai kokou,* o ta hagualeyodei keme hagumou, ei kou dugulo i. Habage-degele-duguo-tobou di-o kediane o kaha degele ke kou nalaga i.* Eme sa Nasaret o Yesu, o Josepha dihi.

⁴⁶ Natanielha kesigiemou yodu, sa Nasaret o? Sa Nasaretkou ge bi bolu ta de tama degele? Filipha tobou, na ile dugu.

⁴⁷ Kegemou, Yesuha Nataniel hagumou duguomou tobou, o keme Israel o bolodo. Eme ogou gai ta tobou diyo mei.

⁴⁸ Natanielha Yesukou yodu, nage ame kage duguo tawai? Yesuha tobou, Filipha na hagnosisali

* **1:42 1:42** Hu bolou kaha sibigebe Bogo. * **1:45 1:45a** Stat 3:15, 49:10 * **1:45 1:45b** Aisaia 7:14; Jeremaia 23:5

mei kelegedo, age name hebe kiyou yokou duwomou dugu.

⁴⁹ E tobou, Tisa Hiye, name Godiha Dihi. Name Israel o sasai ei Hiye O.

⁵⁰ Natanielha kege tobou mou, Yesuha kou gue sima tobou, age name hebe kiyou yokou duwomou duguyode tobou kahanou, na amokou kuhe damaleyodei. Habagesi, a midihogehge hiyedo milou ba na dugulo.

⁵¹ Yesuha haba tobou, a nimokou damaledo tobolou kuhe, habage hebeni a sougou dalaba ni dugulobe, Godiha esol o kediage O Kedia Dihi e tageya foloma muma dele iba dugulo ile.

**Yesuha e hubou e nelebou
hiyedo ke dimokou hegilamou
midihogehge yoma milou
gai**

(Ta Hiye 2-4)

2

Sa Kanakou o tahasasai hu yoti

¹ Sawisie bolou mei degemou, sa Galili o tahasasai hulo yoti. Sa Galili duo kile sa ta delei, e hube Kana. Sa kokou be, o sasai ilo kele ya fologa, o kaha sasai hulo yotilamou degei. Yesuha adiou ene ile kele delei.

² Yesubou e dabai degedi obou Diane digumou, kele ya deleigui.

³ Tigi kolo huei gofoꞑudo ke nala iligi olou fei mei degeimou, Yesuha e adiou ha emokou kou gue tobou, ei tigi kolo huei gofoꞑudobe mei degei.

⁴ E sima tobou, adiou, keme ne bi. Ma bi mei. Dabai a degelebe you.

⁵ Kegemou, e adiou ha moso kodu dabai o sasai kediamokou kou gue tobou, e nimokou ta ta tobou babe, nige defeido milou ma.

⁶ Moso kokou be, igiye milou gai hueina hiyedo olou fei walajyosi kege delei. Mou yoꞑuwa ta deleli mei, Juda o dioꞑu diabou, die nale milou di bibou olou fei bigile idi, diame Godiha dihile kokou bolodoyodemamou. Hueina olou fei keme hiyedo, tanou tanou e makabe 100 lita kege.

⁷ Kegemou, Yesuha moso kaha dabai degedi o sasai kediamokou kou gue tobou, ni hueina olou fei kokou huei sosou gueligi, amagamabeedemou, dia kege sosou gule iligi, hueina hiyedo ke olou fei amaga i.

⁸ Hueina ke olou fei amaga imou, Yesuha diamokou tobou, huei huyadefei dou laba, nale kefei dia daladi o kokou mala ya neyedeimou, dia kege degele i.

⁹ Huei keme kou tigi kolo huei gofoꞑudo ke bagai kaha nale kefei dia daladi o kaha huei ke nai. Kenou si tigi kolo huei gofoꞑudo keme kiliya kele dou la i keme e ta tawali mei. Moso kaha dabai degedi o sasai kedianou si kou tewe. O kaha sasai hu o ke hagnosisai,

10 hagumōu emokōu tobou, tigi kolo huei gofoūdo koūme sebedo. Kagemōu, na tigi kolo huei gofoūdo koū habagie dalali, o sasai kediamokōu nelamōu degeiya? O ilo kele yotile idibe, tigi kolo huei gofoūdo sebedo kebukōu neimōu nala idi. Habage, tigi kolo huei gofoū kaha o totou degele imōu be, tigi kolo huei gofoū sebe mei ke o kediamokōu kuhe nedi. Nanou si kegeiyo meiyode tobou.

11 Midiho gehe, Yesuha sa Galili duo kile sa Kanakōu ge milou keme midiho gehedo. E milou ma hegibe, yoū e hubou, e nele hiyedo kebou de hegimōu, e dabai degedi o kedia duguomōu, emokōu damaleyodele i.

12 Kegemōu, e bitou sa ke tou fogou mou, e adiou bou, e mala diabou, e dabai degedi o kedia bou de sa Kaperneamkōu muguai. Muguamōu, sawisie i ilo kele kokou deleigui.

O kedia Godiha moso kekaimidu makisi degele imou, Yesuha folo igisei

(Matyu 21:12-13; Mak 11:15-17; Luk 19:45-46)

13 Juda o kedia Gabama I Sawisie^{*} hiye kaha nale kefeguo nadi ke hafei degeimōu, Yesu e sa

* **2:13 2:13** *Gabama I Sawisie*, 'Pasoba' ta kaha sibigebe kou gue: Afu Godiha sa Isip o sisigo wolo ke woumōu tofigieimōu, e Israel sisigo kedianou si ta weli mei, mou gabama i. Kegei degemōu, e tobou, ni *Gabama I Sawisie* kaha dowo ke nale kefema na demabeedei. Kege tobou mou, Israel o kedia sa Isip tou fogou, die sabekou fogou yai (Kisim Bek 12:1-42).

Jerusalemkou ile felei.

14 Godiha moso kekaimidu folomou dugube, o kedia makisi degele imou dugu. Wai bulumakoubou, wai sipsipbou, sio kulubou de makisi degele imou dugu. Sele tiga mojudi o ilo kelene duwoguamou dugu.

15 Makisi degele imou duguomou, e tigi dofou ta mala milou mamou, obou, wai sipsipbou, wai bulumakoubou olou fei ke igiseimou fogou yai. Sele tiga mojudi o kedia selene bohou sema, die fafai biligisei.

16 Sio kulu makisi degeli o kediamokou kou gue tobou, ni sio olou fei mojuma fogou ima. Ma Ayeha mosobe makisi degedi moso degedama.

17 E dabai degedi o kedia e degeli ke duguomou, Godiha kuguokou ta kou gue nalai dala ke tawale i,

A ne mosobe tagalido kaha, moso keme bologuado dalayadomou, a dabai hiyedo degeli. *Buk Song 69:9*

18 Kegemou, Juda o kedia emokou kou gue tobolou i, na kegele kaha, na midihogege kagei ke milou ba ei duguoba, name Godiha tobou mou kuhe hagueidade tawale ile?

19 Yesuha die ta sima tobou, ni Godiha moso kojou igile muguba, sawisiei kamadia kege mei degeiba, a haba togoma mei degele.

20 Juda o kedia tobolou i, o kedia moso kojou togomou hagueibe, sadebe olou feibe 46 kege mei

degei. Igile mugubabe, haba nage sawisiei kama-dianou mei degeiba haba togoma mei degele?

²¹ Kenou si Godiha moso Yesuha tobou keme yoou e tou ke.

²² Habage, e tolo imou, Godiha haguagimou, gehe degeimou, e dabal degedi o kedia e tobou ke tawalemou, ta Godiha kuguokou nalagai dalabou, ta Yesuha toboubou kokou damaleyodele i.

Yesuhage o sasai olou fei midihobe kou tewenou

²³ Jerusalemkou ge Gabama I Sawisiei kaha kefegu kelegebe, Yesuha midihoge gehe gehe milou goumou, o sasai sudo duguomou, eme damaledo Godiha tobou mou hagueidademou, e huya ke damaleyodele i.

²⁴ Diage emokou be kou damaleyodele iye, kenou si ege diage ta doudo damaleyodele ilidadi mei, yobe e o sasai die midihobe olou fei kou tewe degemou.

²⁵ Midihoge o sasai kedia duledu dala keme o tae emokou ta tobolou sagai mei, ege die midihobe yoou olou fei kou tewe kaha degeimou.

3

Yesuha o Nikodemusbou de ta kei

¹ Farisi o ta e hube Nikodemus. Eme Juda o kedia kansole hiye o.

² E huliame Yesukou ilemou tobou, Tisa Hiye, ei tewe name hehegiedi o, Godiha tobou mou haguei. Yobe, Godiha nabou de dala mei debabe, midihogehē gehē gehē na milou gadi keme na ta milou diyo mei.

³ Kegemou, Yesuha emokou tobou, a namokou damaledo tobolou kuhe, o koyo name fi boholou ba, haba dihi бага mala fele gehē dege dala mei debabe, Godiha wolou dalale sa keme nage ta dugulo mei.

⁴ Nikodemusha emokou yodu, o eibe kou odo degei keme haba kage dihi бага mala fele gehē degele? Eibe ei adiou ha guamedu foloba, ei adiou ha haba dihi бага ta mala fele sagai mei.

⁵ Kegemou, Yesuha emokou sima tobou, a namokou damaledo tobolou kuhe, o koyobe, Duo Bolofei bou huei bou kaha e fi boholou, dihi бага mala fele gehē degeli mei debabe, eme Godiha wolou dalale sa kokou be folo mei.

⁶ Tou ha mala fele keme tou ha bi. Haba Duo Bolofei ha mala fele keme fihā bi.

⁷ A odo ni, ni fi boholou ba dihi бага mala fele gehē degemabeede tobolou ke duloba, na hobou kesigida.

⁸ Wiyege yofu tagali sagaiya kenou ima haguama dedi. Obege wi uwobe kou dudiye, kenou si wi kaha kiliyage haguya, haba kiliya iya keme obe ta tawadiyo mei. Nebe, Duo Bolofei hane yofu tagali sagaiya kenou o sasai ilo

kelebe e nele kaha gehe dege dalagua.*

⁹ Kegemou, Nikodemusha kou gue yodu, na tobou keme kage degele?

¹⁰ Yesuha tobou, name Israel o sasai kedia tisaye, kenou si nage a tobou keme kageimou totou degeiya?

¹¹ A namokou damaledo tobolou kuhe, eige ei kou tewebou, ei kou dugubou, kenou nimokou hehegie tobolou iliye, kenou si ei tabe nige dafa ili.

¹² A nimokou kou tobou keme sa sibige bi kenou tobouye, kenou si ni ta damaleyodele iyo mei. A hebeni bi kene tobou babe, ni ta damaleyodele ile mei.

¹³ O taha ta hebenitou feli meido. O Kedia Dihi enou si hebeni tou fogou mou migi, haba bohoulou ma folo dala.

¹⁴ Hebe mei mihinou sa kelege, Mosesha bei ke hebele fogu* sagai kenou tefele, o ilo kelege O Kedia Dihi e hebele fogulo ile.

¹⁵ Kegeiba, o sasai koyoha emokou damaleyodebabe, fi tofousogo tofousogo tofolou ke molou.

¹⁶ Godiha sa sibige o sasai olou fei solou do hiyedo degemou, you e Dihi tanou

* **3:8 3:8** *Wibou, duobou, fibou olou feibe* Grik taege tanou fei 'pneuma'-yodedi. * **3:14 3:14** Namba 21:9 - Mosesha igiye *bei milou mamou, hebe sasado kokou sigama hebele ile mihikou fogou fogou mou, you kege tefelei.* O ta damaledo beiye galoumou be, e igi bei kotou daladugumou bolu degedi.

fei ke dimokou nei. O koyoha emokou damaleyodebabe, o keme makolo mei, fi tofousogo tofousogo tofolou ke moloou.

¹⁷ Godiha e Dihi tobou mou migibe, sa sibige o sasai di ta salamou migili mei. Di mamou lamou migi.

¹⁸ O koyoha Godiha Dihikou damaleyode ho fogou babe, o keme ta saiye tou dala, Godiha Dihiha huya ke ta damaleyodili mei kaha degemou. O koyoha e Dihikou damaleyodebasi, o keme ta saiye tolou mei.

¹⁹ Ta sale kaha yobe kou gue, sa sibige kuokou hoho kou migiye, kenou si o sasai kedia hoho ke dafamamou, huliou tagamou, midihou kasagainou milolou idi kaha degeimou.

²⁰ Midihou kasagai milolou idi kediage hoho keme dafa idi. Dia die midihou kasagai ke tama degeiye domou, hoho kokou haguasile kuhe dafa idi.

²¹ Kenou si o damaledo midihou kenou milolou kahage hoho kokou haguadi. Obe eme Godiha neleya kenou dabai degeidade defei duguo tawamabadomou.

Fafeleya degedi o Jonha Yesube Godiha makai oyode tamq dege tobou

²² Kegemou, Yesubou e dabai degedi obou dia sa Jerusalem tou fogou, sa Judia duo kodu yamou diabou de kele dalali, o sasai fafeleya degegai.

²³ Sa Aion, sa Salim hafei kokou ge Jon ene o sasai fafeleya degegai. To keme hiyedo kaha, o sasai sudo kedia Jonha fafeleya degeyadomou haguasiei.

²⁴ Kelegebe, Jon eme o Herotha didiq degeli mei delei.

²⁵ Kegemou, Jonha dabai degedi o ilo kediabou, Juda o tabou de Godiha dihile kokou doudo o degelamou to todi midihq kaha ta ke tobolou mou tae biya i.

²⁶ Tae biya iligi, Jonkou ya kou gue tobolou i, Tisa Hiye, o nabou de to Jordan ilobou dalamou, na e degele kaha ta tobou o kaha o sasai fafeleya degeimou be, o olou feibe emokou yolu.

²⁷ Jonha diamokou tobou, hebeni Hiye Oha o takou makali mei debabe, o kahaqe dabai ta degele mei.

²⁸ Age ame Godiha makai o Kelesu mei, ame Godiha tobou mou mabukou hagua dalayode tobou keme niou kou dulo i.

²⁹ Sasai o taha hu keme, o e hu kaha bi. Sasai ke hu o kaha ta tobou mou, e mogo taha e ta uwo ke dulomou, hohq hiyedo degedi. Ame sasai hu o kaha mogo ke sa degei. Kenou tefei, hohq keme ma bi, ma duledu amamai dala.

³⁰ Ame hiye o mei. Ma mogo e hunou si sibige hiyedo degeiba, ma hube sibige mei degele.

³¹ O hebenitou ge migi keme hiyedo folodo. Sa sibige obe, sa sibige onou. Sa sibige kaha tanou tobou di. O hebenitou ge migi o enou si hiyedo

folodo.

³² O hebenitōu ge migi kaha hehegiedibe, yoŋu dugudibōu dudibōu kenōu hehegiediye, kenōu si o sasai kediage ta dulomōu damaleyodele idiyo mei.

³³ Kenōu si, e ta ke dulomōu tolōu sulu o kahage eme Godiha tabe damaledo-yodema, Godi eme damaledo ta tobōu diyodedi.

³⁴ Yobe, o Godiha tobōu mōu migi o, ege Godiha tanōu tobōu di, Duo Bolofeibe e duledu hiyedo dala, Godiha emokōu nei kaha degeimōu.

³⁵ Aye Godiha e Dihikōu hohō hiyedo degemōu, bi olōu fei ke e Dihiha dobogoŋu tagetōu nou dogogu.

³⁶ O koyoha Godiha Dihikōu damaleyodeibabe, eme fi tofousogo tofousogo tofolōu ke moloŋu. Haba o koyoha Godiha Dihi tobekōu mugubabe, eme fi gehē dege tofousogo tofolōu mei, Godiha gofoŋube o kebōu de dala.

4

Yesuha sa Samaria sasai tabou de ta kei

¹ Farisi o kedia, Yesuha o sasai fafeleya degeimōu, e dabai degedi o sudo degeliyodemōu dulo i. Haba Jonha fafeleya degei obe hiyefei meiyode tobolōu imōu dulo i.

² Kenōu si Yesuha o ta fafeleya degediyo mei. E dabai degedi o kedianōu o sasai fafeleya degele idi.

³ Hiye O Yesuha o kedia kege tobolou imou dulomou, sa Judia tou fogou mou, sa Galilikou haba fogou i.

⁴ E ile, sa Samaria duo kileya ke i.

⁵ Kegemou, e iligi, sa Samaria duo kile sa ta, e hu Sikarkou felei. Sa keme, sa Jekoha e dihi Josepkou neji ke hafeido.

⁶ Sa kokou be ulou dai hueji ta delei, kou guai o Jekoha hueji dou lamou dai. Agali duo kelege, Yesuha ilemou, ulou hueji dai fe kokou misiholo duwei.

⁷ Duwoli dugube, sa Samaria sasaji ta hueji dou hagumou duguomou, amokou hueji ta dou la neyedei.

⁸ E ke yodu kaha yobe, e dabai degedi o kediamе olou feji e tou fogou, sa hiye kokou seleye nale mou yai kaha.

⁹ Yesuha amokou hueji dou la neyede tobou mou, Samaria sasaji kaha kesigiemou tobou, name Juda o, ame Samaria sasaji, kegei keme age namokou be kage hueji dou la nele? Yodu kaha yobe, Juda o sasaji kediage sa Samaria o sasaji kediabou de ta mogo dege daladiyo mei kaha degeimou.

¹⁰ Yesuha tobou, bi Godiha namokou nelamou degeli keme nage ta tewe mei. Haba o hueji dou la neyede tobou o keme na tewe debasi, na emokou yoduba, e fi nedi hueji ke dou la nele.

¹¹ Hiye O, name huejina ta mei. Ulou dai hueji koume mou gulido. Na fi nedi hueji keme kiliya

dolou?

¹² Sasai kaha haba tobou, ulou dai huei keme di kou guai o Jekoha eimokou nei. Yo[u] ebou, e sisigobou, e wai bulumakoubou, sipsipbou olou fei kediane huei ko[unou] nala idi. Jekopbe na gabai dala?

¹³ Yesuha tobou, o koyoha hueido ko[u] noubabe, e haba huei nale sagai degele.

¹⁴ Kenou si o koyoha huei a emokou nelamou degeli ke noubabe, eme haba huei nale sagai degele mei. Huei kamaha e duledu to sounou tefele, felenou dalaba, eme fi tofousogo tofousogo kegenou tofolou.

¹⁵ Sasai kaha tobou, Hiye O, na huei ke amokou dou la ne, a huei nale sagai degeiba, haba huei dou hagueiye deba.

¹⁶ Kegemou, Yesuha sasai kokou tobou, na ile, ne ma duguoba, ebou de bohoulou ma hagua.

¹⁷ Sasai kaha kou gue tobou, ame obou mei. Kege tobou mou, Yesuha emokou, nage name obou meiyode tobolou keme damaledo.

¹⁸ Yobe, afuge name o olou fei houyosi kege kou huye fogou mou, o gehe hu ifi nabou de dala keme na hiyouye mou. Na tobou keme damaledo.

¹⁹ Sasai kaha tobou, Hiye O, a tawali, name habage-degele-duguo-tobou di-o.

²⁰ Ei kou guai o kediage bitou kuokou ge* Godikou diho baga tobou haguasiedi. Kenou

* **4:20 4:20** *Bitou* kaha e hube Gerisim.

si Juda o n̄ige eibe sa Jerusalemkōu nōu ya, Godikōu diḡ baḡa tobōu mabeede tobolōu idi.

²¹ Kegemōu, Yesuha kōu gue tobou, sobōu de, na ma ta du. Sawisiei ta, ni bitou kotou ge Aye Godikōu diḡ baḡa tobolōu bōu, sa Jerusalemkōu ge diḡ baḡa tobolōu bōu ke mei degelebe hagua koguladi.

²² Sa Samaria o sasai n̄ige o ni tewe mei kokou diḡ baḡa tobolōu idi. Haba Juda o sasai eige o ei kōu tewe kokou diḡ baḡa tobolōu idi. Yobe, Godihage o sasai mamoloꞑuyodema, e Juda o ta kōu tobōu mōu haguei kaha degeimōu.

²³ Sawisiei ta kelege, damaleyodei o sasai kedia Aye Godikōu diḡ baḡa tobolōu ilebe, dia Duo Bolofeiha neleya kenou diḡ baḡa tobolōu ile. Mōu diḡ baḡa tobolōu ile mei, damaleyodema diḡ baḡa tobolōu ile. Ifi kōu bōu gene, o sasai ilo kele kege degele ili. Aye Godihage o kegele i kedia emokou damaleyodema, diḡ baḡa tobolōu ile ke tagali.

²⁴ Godibe duonou. O sasai kedia Aye Godikōu be Duo Bolofeiha neleya kenou diḡ baḡa tobou ma. Mōu diḡ baḡa tobou dama. Godikōu damaleyodema diḡ baḡa tobou ma.

²⁵ Sasai kaha Yesukou tobou, o Mesaia, Godiha makai o Kelesuha hagualebe a kōu tewe. Haguaba, dimokou sibige olou fei kou hehegi-leyodei.

²⁶ Kege tobou mōu, Yesuha emokou tobou, o

keme anou, nabou de ta kolu kuhe.

²⁷ Kelegenou, Yesuha e dabai degedi o kedia boholou ma haguasiemou dugube, eme sasai tabou de ta koumou duguo kesigile i, kenou si dia Yesukou na kei tagaiya? de ta yodulo ili mei. Haba na kagemou sasai kebou de ta kouya? dene ta yodulo ili mei.

²⁸ Kegemou, sasai kaha e hueina ke kele dogoguo fogou ile, sa hiyekou folomou, o sasai kediamokou tobou,

²⁹ ni a sesele yaba, o ta duwo ke duguma. Midiho a milou gai keme e olou fei kou tewenou, amokou kou kusigile tobou. Age o keme Godiha makai o Kelesuyade tawali.

³⁰ Kege tobou mou, o sasai kedia sa hiye ke tou fogou mou, Yesukou haguasiei.

³¹ Haguasieimou, e dabai degedi o kedia Yesukou tobou, Tisa Hiye, na nale na.

³² Kenou si e tobou, nale a dala koume ni ta tewe mei.

³³ Kege tobou mou, dia diousie yoduga i, o tae emokou nale ta kou nei?

³⁴ Yesuha diamokou kou gue tobou, ame Godiha tobou mou haguei kaha, e tagali sagai ke seseleba, e dabai degega iligi mei degele keme ma nale sa degei.

³⁵ Ni tobou dibe, oگوo bolou bolou kege mei degeiba, nale segei kuhe suwi degeleyodele idi. Kou kegeiye, a nimokou tobolou kuhe, hebe

haibe nale olou fei kou suwi degei molo unou dala.

³⁶ Nale segei mo udi o kaha e dabai kaha hebe bolodo keme nale segei e molo ube, ta mei degele mei, yo u kegenou dalale. Kegeba, nale hou sogodi obou, nale segei mo udi obou dilie hoho degele ile.

³⁷ Kegeimou, o sasaiyege o taha nale hou sogoumou, haba o tahage hagua, nale segei ke mo udiyodele idi keme damaledo ta.

³⁸ A tobou mou, hebe hai, ni ta dabai degeli mei, o ilo kelegenou dabai degei kokou ni ya, die segei dia nele kusiei kenou mala i.

³⁹ Kegemou, sa Samaria duo kile sa hiye Sikar tie o sasai sudo kedia Yesukou damaleyodele i. Yobe, sasai kahage midihou olou fei e kou milou gai keme Yesuha emokou kusia tobouyodei kaha.

⁴⁰ Samaria o sasai kedia Yesukou damaleyodema haguasiemou, na eibou de dalayede tobolou imou, e sa hiye kokou sawisie bolou kege diabou de delei.

⁴¹ E kele dalali, Godiha ta hehegie tobou mou, o sasai suudo ilo kediane emokou damaleyodele i.

⁴² Dia Yesukou damaleyodema, sasai kokou kou gue tobolou i, ei Yesukou damaleyodele ilibe, ta na tobou kahanou mei. E ta hehegieimou, eiyou dulo ilibe, o koume sa sa o sasai di mamolou odade tawale ili kaha.

Yesuhā gamani o tahā dihi bologuomōu bolō degei

⁴³ Yesu e sa Samariakōu diabōu de sawisiei bolōu kege dala dema, sa Galilikōu fogōu i.

⁴⁴ Yesu yoŋū kōu gue kōu tobou, habage-degele-duguo-tobōu di-o kedia hube mosomā oyege ta hebele fogulo idiyo mei.

⁴⁵ Kegemōu, e ile sa Galilikōu foloumōu, sa kele tie o sasai kedia e duguomōu hohō degele i. Yobe, Gabama I Sawisiei kelegebe diane sa Jerusalemkōu dalaguali, midihō daga daga e milōu gai olōu fei ke kōu dugulo i kaha.

⁴⁶ Kegemōu, e sulugi, sa Galili duo kile sa Kanakōu haba felei. Sa kokōu gebe, e hueido ke bohōlōu mōu, tigi kolo huei gofoŋudo ke degeimōu diā kōu dugulo i. Kelegebe sa hiye Kaperneamkōu gamani o ta delei. O kaha e o dihi do degei.

⁴⁷ Dihi do tilamōu, e ayeħa dube, Yesube sa Judiakōu ge, sa Galilikōu bohōlōu mā hagueiy-odeimōu dulomōu, e Yesukōu ilemōu, mā dihibe tolo iladi, nā mulōba, mā dihi bologuayedei.

⁴⁸ Yesuhā o kokōu tobou, o sasai niġe a midihō geħe geħe ta milōu gōumōu dugulo ili mei debabe, ni amokōu kege ta damaleyodele iyo mei.

⁴⁹ Gamani o kaha tobou, Hiye O, nā totodo abōu de ime, kegeligi mā dihi tolo iye.

⁵⁰ Yesuhā tobou, nā i. Ne dihibe tolo mei, eme bolō dege dalaleyode tobōu mōu, o kaha tā keme

damaleyodemamōu fogōu i.

⁵¹ Kegemōu, gamani o kaha iligi, ali duo kelege e dabai degedi o kedia haguasie geleguomōu, ne dihibe tolo ili mei, bolō degeyodei.

⁵² E diamokōu yodu, dihibe koboge bolō degelou? Dia tobou, i agali kelege, suguai do ke meido degei.

⁵³ Kege tobōu mōu, dihi aye kahaḡe, i agali kelegenōu Yesuha ne dihi tolo mei, bolō dege dalaleyode tobou ke tawai. Kegei kaha degemōu, ebōu e sosou bōu olou fei Yesukōu damaleyodele i.

⁵⁴ Midiho gehe, Yesuha sa Galilikōu ge milou keme midiho gehe tage milou. Yesu e sa Judia tou fogōu hagua felemōu, e midiho gehe ke milou, keme o sasai kedia eme Godiha tobōu mōu hagueidade tawale imabadomōu milou.

**Yesuha e dabai degeligibe,
misiholo duwodi sawisieibōu,
Godiha sawisie hiye kebōu olou
fei hehegiedi**

(Ta Hiye 5-10)

5

Yesuha huei hiei Betesdakōu ge do o ta boguomōu bolō degei

¹ Sawisie i lo kele mei degeimōu, Yesu e sa Jerusalemkōu i, Juda o kedia kefegulo sawisie hiye ke hafei degeimōu.

² Sa Jerusalem kekai kahā adi ta kahā hūbe Wai Sipsip Kediā Ayodele idi. Adi ke hafēi dege kokoū be huēi hiēi ta dala. Hibru tāege Betesda-yodele idi. Huēi hiēi keme kefegudi mosō oloū fēi houyosi kege silemā togolo i.

³ Kefegudi mosō oloū fēi kokoū be, do o sasai sudo tilaguadi. Dihō du degele i oboū, ibigidio tofigile i oboū, abogōū dobogōū oloū fēi tofigile i oboū oloū fēi kediā [huēi kahā uwo degeiba dulamoū kele dia tilaguadi.

⁴ Yobe, Hiye Ohā esol o tahā migile huēi hiēi kokoū uwo degeiba, do o tahā ebukoū huēi hiēi kokoū solōū mumoū be, do oloū fēi ē dala keme mei degedi kahā.]

⁵ O tanoū ta ē kele do tilei. Ē do tileibe, sadebe oloū fēi 38 kege mei degei.

⁶ O ke tilamoū Yesuhā dugube, eme afudo do tilei degemoū ē tawalemoū yodu, name de boloū degele sagai degeli?

⁷ Kegemoū, do o kahā Yesukoū tobou, Hiye O, huēi hiēi kahā uwo degeimoū be, o tāe ā kodu malā mudiyoy mei. Mayōunoū mulamoū degeimoū, o tāe toto ebukoū mudiyoy.

⁸ Do o kahā kege toboū moū, Yesuhā tobou, haguā nē botegei ke malabā fogoū i.

⁹ Kelegenoū do o ke bolodo degeimoū, ē haguā, ē botegei malā fogoū i.

Sawisiei keme misiholo duwodi sawisiei.

10 Kegemōu, Juda o kedia o kokou, ifibe misi-holo duwodi sawisie, Juda o di kuolou be na ifi kege ne botegei hebele siadayedei.

11 O kaha sima tobou, o a bologuai kaha amokou, ne botegei ke malaba fogou iyedei.

12 Kege tobou mou, dia emokou kou gue yodulo i, o namokou ne botegei ke mala iyedei o keme koyo?

13 Kenou si o do bolu degei kaha, o e bologuai o keme ta tawali mei, Yesuha o sasai sudo kefei kiliya ke amafei fogou i kaha degeimou.

14 Kegemou, Yesuha ile, Godiha moso kekaimidu folomou dugube, o do bolu degei keme keke tafalamou tobou, na du, name bolu degei. Na midihog kasagai haba ta milou gada, na hagi hiyedo ta duguye domou.

15 Yesuha kege tobou mou, o kaha Juda o kediamokou ilemou, o a bologuabe Yesuyode tobou.

16 Kegemou, Juda o kedia Yesu makolamou degele i, e misiholo duwodi sawisie kelegebe kegenou degedi kaha degeimou.

17 Yesuha e makolamou degele imou duguomou, diamokou kou gue tobou, ma Ayeha e dabi degega hagulugi, ifi kuhē. Ane dabi degedi.

18 Juda o kedia e kege tobou mou dulomou, dia e woloyodema fi hiyedo ma i. Yobe, ege misiholo duwodi sawisie kaha kuolou kenou gobou li mei,

ege Godibe yoŋu e Ayeyodemo Godibo diliebe tano fejyodedi kaha degeimo.

Godiha Dihibe e Ayeha huya ke haguei, e dabai degeyadomo

¹⁹ Kegemo, Yesuha Juda o kedia ta ke sima tobou, a nimokou damaledo tobolou kuhe, dihi yoŋunou be dabai ta degele sagai mei. Dabai olou feibe e Ayeha degeimou dugudi sagai kenou degedi.

²⁰ E Ayeha e Dihikou hoho hiyedo degemou, dabai yoŋu degedi olou fei ke e Dihikou hehegedi. Ni kesigimabeedemaba, Ayeha midiho gehe gehe ilo kele, yoŋu degegai ke gaba folodo kene e Dihikou hehegile.

²¹ E Ayeha tofigiei o sasai haguagiema, fi gehe ke nedi sagai kenou tefele, e Dihihane yoŋu tagaiya ke fi gehe ke nedi.

²² Haba tabe, Aye Godi ege o sasai ta sadi dabai ke tou fogou mou, dabai ke e Dihikou nej.

²³ E ke degei kaha yobe, o sasai kedia Aye Godiha hu hebele fogulo idi sagai kenou tefele, e Dihih hu hebele fogumabadomou kuhe degei. O koyoha Dihi kaha hu hebele fogu ho fogou babe, Dihi ke tobou mou haguei o kaha hu hebele foguyo mei.

²⁴ A nimokou damaledo tobolou kuhe, o koyoha ma ta duloba, a tobou mou haguei o kokou damaleyodebabe, o keme tofousogo tofousogo tofolou. Ta saiye tolou mei. O keme todi ke kou

tou fogou mou, fi gehe yofu kegenou dalale ke mou dala.

²⁵ A nimokou damaledo tobolou kuhe, sawisie ta kelege, ifi sawisie ko'umaha, o tofigiei kedia Godiha Dihia ta uwo dulo ile. O sasai dulu kediamе fi tofousogo kegenou tofolou ke molo'u.

²⁶ Yobe, Aye Godibe tofousogo tafaladi kaha obou kaha degemou, e degeiye e Dihiane fi tofousogo tofolou ke nedi.

²⁷ Eme O Kedia Dihi kaha degeimou, e Ayeha e hu hiyedo ke emokou nelemou, na o sasai ta sayedei.

²⁸ Nige a tobolou kokou fi hiyedo madama. Yobe, sawisie ta kelege o tofigieimou wida i kediamе Godiha Dihia ta uwo duloba,

²⁹ haguagilema fologaba, midih bolofei milou di o kediamе fi tofousogo tofolou ile. Haba o midih kasagai milou di kediamе ta saiye tolou ba, diame makolo.

O ilo kelegene Yesube Godiha makai oyode tobolou i

³⁰ Yesuha haba kou gue tobou, a mayofu ma fimaiyenou dabai ta degele sagai mei. A o sasai ta sadibe, ma Ayeha tobou mou du sagai kenou sesele ta sadi. Age o sasibe dou'donou ta sadi. Yobe mayofu tagai sagaiya ke ta sadiyo mei. O a tobou mou haguei kaha tagaliya kenou ta sadi kaha.

31 A ma midihō ke tama dege tobou babe, a tobolou keme obe ta dulo damaleyodele ile sagai mei.

32 O ta dala,* enou si ma midihō ke tama dege tobolou sagai, a tewe, ta e tobolou keme damaledo.

33 Nige o ilo kele tobou mou, Jonkou ya yodumou, e nimokou ta damaledo kou tobou.*

34 A tawalibe, o tae a dogou guo tobou keme mabou sa degei, kenou si Jonha tobou keme a nimokou tobolou kuhe, yobe ni e ta ke dulo damaleyodeibasi, Godiha ni mamolo uyodei kaha.

35 Jon eme kama sa degei kaha hohoguo dalamou, ni e hoho ke duguomou, emokou huyadefej hoho degele i.

36 Kenou si, dabai a degeli kahage ta Jonha tobou keme gabai. Ame Aye Godiha e dabai ke degema mei degeyede tobou mou kuhe haguei. Ni a dabai ke degeimou, ame e tobou mou hagueidade duguo tawale ili kuhe.

37 Aye Godi, a tobou mou migi kahane a degedi ke tama dege tobou. Kenou si nige e ta uwobe ta dulo idiyo mei. E midihone ta dugulo idiyo mei.

38 E tane ni ta tolou ili mei, yobe ni o e tobou mou haguei kokou ta damaleyodele ili mei kaha.

39 Nige Godiha ta e kuguokou dala ke husolo u kahage, nime tofousogo tofolou ileyode

* 5:32 5:32 Yesuha o tayode tobou keme Godi. * 5:33 5:33 Jon 1:19-23

tawalemōu defeido husoloŋu idi. Kenōu si ta keme midihō a degedi kenōu ye,

⁴⁰ ni amokōu haguasie, fi gehe yoŋu kegenōu dalale ke moloŋube dafa idi.

⁴¹ A ta koŋu tobolōu kaha yobe ni ma hu hebele fogumabadomōu tobōu yo mei.

⁴² Kenōu si nime age kōu tewe. Nige Godibe tagale iyo mei.

⁴³ Ame ma Ayeha huya ke hagueiye, kenōu si nige ma ta ta dudiyo mei. O taha yoŋu e huya ke hagubabe, ni e ta ke dulo ile.

⁴⁴ Nime niōu sie yogoha hu kenōu hebele fogumōu fogumōu delesi tagale idi kaha degemōu, ni amokōu kage damaleyodele? Godiha ni hu hebele fogulobe ni ta tagale idiyo mei.

⁴⁵ Nige a ma Ayeha dihile kokōu ni ta saleyode tawale idama. Moseshasi ni ta sale. Nige e ni dogōu guloyode tawale iliye, kenōu si ege nime ta dogōu gulo mei.

⁴⁶ Ni e ta kokōu damaleyodei debabe, ni amokōu ne damaleyodele i, yobe e a degele ke nalagai kaha degeimōu.

⁴⁷ Kenōu si ni ta e nalagai kokōu ta damaleyodeiyo mei kaha degemōu, ta a tobolōu ne ni ta damaleyodele ile mei.

6

*Yesuha o 5,000 kege kediamokōu nale nei
(Matyu 14:13-21; Mak 6:30-44; Luk 9:10-17)*

1 Kegemōu, Yesubōu diā mosole samōu, ohueiyai Galili dama, ilobōu fologai. Ohueiyai kaha hū tabe Taiberias.

2 O sasai sūdo kediane sesele yai. Yobe, diage e midihō gehe gehe milōu gamōu, do o sasai bologuomōu bolō degeimōu kōu dugulo i kaha degemōu.

3 Fologamōu, Yesubōu e dabai degedi o kediabōu de diame bitōu ta fologa duweguei.

4 Juda o kedīa Gabama I Sawisieī keme hafei dege dala.

5 Duwoguali, Yesuha dugube, o sasai sūdo haguasieimōu duguomōu, e Filipkōu yodu, dige ōu sibe kiliya mamalāba, o sasai kediamokōu neiba nalā ile?

6 E ta ke yodube, Filip tefele dugulamōu yodu. E degele keme yoū kōu tawalemōu.

7 Kegemōu, Filipha sima tobou, di sele 200 kege* dala debane ya, ōu si mamalāba bafigima fibane, o sasai kedīame olōu fei tefele nalā ile sagai mei.

8 E dabai degedi o ta, e hūbe Andru, eme Saimon Pitaha e malā, e dalali tobou,

9 dihi ta kōu le tafala, e ōu si hū baliyodele idi ke olōu fei houyosi kegebōu, haba miye bolōunōu kege tolōu dala. Koūnōu feibe o tefele sagai meiyode tobou.

* 6:7 6:7 Die tae sele hūbe 'denarius'. Sawisieī tanōu kaha dabai degei hebe keme sele 'denarius' tanōu fei moūdi.

10 Yesuha o sasaj kediāme toboū ba duwoguamabeedei. Sa kelebe diō sunoū. Kegemoū, o sasaj kediā duweguei. O kele duwegueibe oloū fei 5,000 sagaj kege.

11 Kegemoū, Yesuha oū si ke malā toloū moū, Godikoū bolofeyode toboū ma, o sasaj duwogua kediāmokoū oū si ke fimoū i. Fibe, o sasaj kediā tagale sagaj kegenoū fimoū i. Miyene kenoū tefele fimoū i.

12 Nalā iligi guokoū degele imoū, Yesuha e dabai degedi o kediāmokoū tobou, nale ilo kele fogouye deba isimo fogou ke moꝑuma kefema.

13 Kege toboū moū, diage oū si baliyodele idi oloū fei houyosi kege kahā isimo, o kediā fogou ke tigi mosō tegei oloū fei 12 kege kodu saga i.

14 Kegemoū, o sasaj kediā midihō gehe gehe e miloū goulu ke duguomoū koū gue toboloū i, o koꝑume habage-degele-duguo-toboū di-o ta, sa sibige kuokoū hagualeyodele idi keme ifi hagua feleī kuheyode toboloū i.

15 Kege toboloū imoū du, diage Yesu eme toloū ba, die gamani hiye o degeleyodema degele imoū tawalemoū, e sa ke toū fogou, haba esofei bitoū takoū fogou i.

*Yesuha ohueiyai tageya tofoū tofoū i
(Matyu 14:22-33; Mak 6:45-52)*

16 Habi degeimoū, Yesuha e dabai degedi o kediā ohueiyai biyakoū muguamoū,

17 ohueiyai ilobou mosole sama sa Kaperneamkou bohoulou ma yai. Hulia degeimou be, Yesube diabou de geleguli mei, you.

18 Mosoleye youlugi, wibou to boboubou hiyedo hagumou dugulo i.

19 Wibou to boboubou hiyedo degeimou, dia bala dege youlugi, huyadefei ahu dege kilomita olou fei 5 sagai, 6 sagai kege dohou gou mou dugube, Yesube ohueiyai tageya ke tofou tofou hagulugi, mosole hafei degeimou duguo gue hiyedo degele i.

20 Kenou si e diamokou, ni hobou gue degedama. Koume anou yode tobou.

21 Kege tobou mou dulomou, dia hoho degele ima, Yesu dobogoukou tolou mou, mosole foudu sagile i. Kegemamou, dia youlugi sa diou fologalamou yolu kokou fologai.

O sasai kedia Yesu dugulamou ka i

22 Sabiyamou, o sasai ohueiyai ilobou kefema deleigui kedia tawale ibe, mosole tanou feibe i kege kou fogou i. Yesube mosole foudu ta foloumou dugulo ili mei, e dabai degedi o kedianou mosole sama youmou dugulo i.

23 O sasai mou youwa dalaguamou, sa Taiberias o kedia mosole ilo kelene haguasie felegai. Sa kelebe, Hiye Oha Godikou bolofeyodemamou, o sasai kedia ou si nala i.

24 O sasai sudo kediage Yesubou e dabai degedi obou kediamе sa kokou dalaguamou dugulo ili mei. Kegemou, dia mosole samamou, sa Kaperneamkou Yesu ka yai.

Yesu eme fihā ou

25 Kegemou, o sasai kedia mosoleya ya, ohueiyai ilobou fologa, Yesu ka iligi duguomou, emokou, Tisa Hiye, name kou lebe koboge hagua felou? de yodulo i.

26 Yesuha tobou, a nimokou damaledo tobolou kuhe. Godiha a makoumou, a nimokou midiho gehe gehe ke milou gai kaha a kuhe ka haguasieyo mei. Ou si nama guokou degele i kaha degemou, ni a kuhe ka haguasili.

27 Nige nale tabale ke moloou kaha dabai ke degedama. Nale tabale mei ke moloou kaha dabai kenou degema. Nale ke mooubabe, O Kedia Dihi ege nimokou fi tofousogo tofolou ke nele. Aye Godihage e Dihibe kege degeyadomou tobou mou hagua dala kuhe.

28 Kegemou, o sasai kedia Yesukou kou gue yodulo i, Godiha ei e dabai ke degeyedeibabe, eige kage degele?

29 Yesuha tobou, Godiha dabai keme kou gue, nige yoou tobou mou haguei o kokou nou damaleyodema.

30 Kegemou, dia emokou yodu, eige na midiho gehe kagei ke milou ba, ei duguoba, na tobou keme damaledade tawale ile?

31 Di kōu guai o kedia hebe mei mihinōu sa keleya suluguali, ōu mana fiyasigeimōu nalā idi. Keme Godihā kuguokōu be,

E hebeni ōu ke diāmokōu neimōu nalā idiyode nalaj dala. *Kisim Bek 16:4*

32 Yesuhā diāmokōu tobou, a nīmokōu damaledo tobolōu kuhe, Moseshage hebeni ōu be nīmokōu ta nelī mei. Damaledo mā Ayehanōu si hebenitōu ge migi ōu ke nīmokōu nelī kuhe.

33 Godihā nedi ōu keme, o Godi yoŋu tobōu mōu migile, sa sibige o sasai kediamokōu fi tofousogo tofolōu ke nelī kuhe.

34 O sasai kedia kōu gue tobolōu i, Hiye O, na sawisiei olōu feido ōu keme eimokōu nelenōu dalayede tobolou i.

35 Yesuhā kōu gue tobou, ame fi nedi ōu. O koyohā amokōu hagubabe, eme hegie degele mei. O koyo na, amokōu damaleyodeibabe, name huei nale sagai degele meiyode tobou.

36 Yesuhā haba tobou, a nīmokōu kōu gue tobou, nige ame kōu duguye, kenōu si ni amokōu ta damaleyodele iyo mei.

37 Aye Godihā amokōu makai o sasai kediam amokōu haguasile. O koyohā amokōu hagubabe, age o keme ta igile mugulo mei.

38 Yobe, ame mayoŋu mā tagai sagai ke dege-lamōu migili mei. Ame o ta kaha yoŋu e tagali sagai kenōu degeyedema tobōu mōu kuhe migi.

39 A tobōu mōu haguei o kahage yoŋu amokōu

makai o sasaj̄ kediam̄e, tanoū ta fogoū dayede tagali. Kenoū si uwage sawisiēi kelegebe, diame oloū fēi haguaḡieiba haguamā gehē degele ileyode tobou.

⁴⁰ Yobe, mā Ayehā tagalibe, o sasaj̄ koyohā ē Dihi duguoba damaleyodili keme, eme fī tofousogo tofoloū ke molooū. Uwage sawisiale kelegebe, o keme ā haguaḡiba, gehē degele.

⁴¹ Kegemoū, Juda o kediā gofooū degele i, Yesuhagē amē hebenitoū ge migi oū keyodei kahā degeimoū.

⁴² Diage o Yesu kooūume, o Josephā ē dihiyodele i. Dige ē ayeboū ē adioū boū be di koū tewe. Ege haba kageimoū amē hebenitoū ge migiyode toboū ya? de yodulo i.

⁴³ Yesuhā tobou, nioū noū gofooū dege tugulo toboū dama.

⁴⁴ O tahā yooū ē tagaiyenoū amokoū haguale sagaj̄ mei. Mā Aye, ā toboū moū migi kahanoū si o kahā fī kodu toboū ba, o keme amokoū kuhe haguale. Uwage sawisiale keleges̄i, o keme ā haguaḡiba gehē degeleyode tobou.

⁴⁵ Habage-degele-duguo-toboū di-o kediā koū gue nalagā i,

O sasaj̄ kediam̄e Godihanoū hehegile. *Aisaia 54:13*

O sasaj̄, Aye Godihā toboloū kē duloba toloū ile kediam̄e amokoū haguasileyode tobou.

⁴⁶ Yesuhā haba tobou, o taege Aye Godibe ta duguli mei, Godihā toboū moū migi o kahanoū

si e Aye kōu dugu.

⁴⁷ A n̄imokōu damalēdo tobolōu kuhe, o sasai koyoha amokōu damaleyodebabe, eme fi tofousogo tofolōu ke moloū.

⁴⁸ Ame fihā ōu.

⁴⁹ Ni kōu guai o kedia hebe mei mihinōu sa keleya suluguali, ōu mana fiyasigeimōu moūuma nala idi. Kenōu si diame olou fei tofigile i.

⁵⁰ O koyoha hebenitōu ge migi ōu koū noubabe, eme tolo ile mei.

⁵¹ Ame fihā ōu, hebenitōu ge migi. O koyoha ōu koū noubabe, eme tofousogo tofolōu. Ōu koūme mā tōu, a sa sibige o sasai n̄imokōu neiba, n̄ime fi tofousogo tofolōu ke mala ile.

⁵² Kegemōu, Juda o kedia dioūnōu tae biya i. O koūmahā e tōu keme di kage nayedema neleyode tobōu ya? de yodulo i.

⁵³ Kegemōu, Yesuha kōu gue tobou, a n̄imokōu damalēdo tobolōu kuhe, O Kedia Dihihā e tōu ke ni na ho fogōu babe, ni tofousogo tofolōu mei. E kafei kene ni na ho fogōu babe, n̄ime fi tofousogo tofolōu keme ta mala ile mei.

⁵⁴ O koyoha mā tōu bōu mā kafeibōu ke noubabe, eme fi tofousogo tofolōu ke moloū. Uwage sawisiale kelege, o keme a haguagiba, gehe gele.

⁵⁵ Yobe, mā tōu be damalēdo nale, haba mā kafeine damalēdo huei.

⁵⁶ O koyoha mā tōu bōu mā kafeibōu ke noubabe, o keme abōu de dalale, haba ane ebōu

de dalale.

⁵⁷ Aye Godi, ɛme yoŋu kegenou daladi, ɛ a tobou mou migile, yoŋu ɛ neleya ke ane yoŋu kegenou dala. Nebe kenou tefei, o koyoha ma tou noubabe, ɛme ma neleya ke tofousogo tofousogo tofolou.

⁵⁸ Ou koŋume hebenitou ge migi. Ni kou guai kedia ou mana ke nala imamou be, diame olou fei tofigile i. Kenou si o koyoha ou koŋu noubabe, ɛme tofousogo tofousogo tofolou.

⁵⁹ Yesuha sa Kaperneamkou dalali, die egei mosoduge hehegie tobou di kelegebe, ɛ ta ke hehegie tobolou delei.

Ta Yesuha tobolou keme fi tofousogo tofolou kaha ta

⁶⁰ Yesuha ɛ tou bou ɛ kafeibou kaha ta ke tobou mou, ɛ dabai degele idi o sasai sudo kedia dulomou, ɛ egei tobolou keme hagido duguluyode tobolou i. Di ta dulo sagai meiyode tobolou i.

⁶¹ Gofou dege tobolou imou, Yesuha tawalemou, diamokou kou gue yodu, a ta ke tobou kahage ni amokou damaleyodei ke dafa ili?

⁶² O Kedia Dihi keme yoŋu delei sa kokou haba bohoulou ma folouba duguobabe, nige kage tawale ile?

⁶³ Duo Bolofeiha nele kahage ni fi tofousogo tofolou ke moloŋu. Ni tou ha nele kahage nime mou yoŋuwanou dala. Ta a tobolou keme ni dulo

tōu babe, Duo Bolofeiḥa neḷe kahage nḯ tofousogo tofousogo tofolōu ile.

64 Keṅōu si nḯ o ilo kelebe damaleyodele iyo mei. Ta e tobou kaha e sibigebe kōu gue, o damaleyodele ili mei kediamōu, haba o e tolōu ba, ho o kediamokōu sesegulo o kebōu olōu fei keme afu kugulege yoḥu kōu tawalemōu haguei.

65 Kegemōu, e haba tobou, kegei kaha degemōu a nimokōu kōu gue kōu tobou, Aye Godiḥa o takōu tobōu li mei debabe, o keme amokōu ta haguale sagai mei.

66 Kegemōu, Yesuḥa e dabai degele idi o sasai sudo kedia ta e tobolōu ke dulomōu, e tobekōu muguomōu, e sesele yalebe dafa i.

67 Dafa imōu, Yesuḥa e dabai degedi o olōu fei 12 kege kediamokōu, nḯne a tōu fogōu yalamōu degele ili? de yodu.

68 Kegemōu, Saimon Pitaha kōu gue tobou, Hiye O, eige o koyokōu yale? Eibe ne ta keṅōu dubasi, ei fi tofousogo tofolōu ke moloḥu.

69 Eige name o bolodo, Godiḥa tobōu mōu hagueidade tawale ili.

70 Kegemōu, Yesuḥa tobou, damaledo, nḯme ma dabai degedi o olōu fei 12 kege. Age nḯme kōu makaiye, keṅōu si nḯ o tanōu tabe Tamaha dihi.

71 Ta Yesuḥa tobou keme Saimon Iskariotha dihi Judas tobou. Judashage eme ho o kediamokōu sesegulo ke yoḥu kōu tawale delei.

7

*Yesu e ba moso togoga imamou kefegulu kokou
i*

¹ Kegemou, Yesube sa Galiliya kenou siei. E sa Judiakou ilebe dafai, yobe Juda o kedia e wala ila domou.

² Sa Galiliya ke sumou be, Juda o kedia ba moso togogama kefegudi sawisie hiye keme hafei degei.

³ Kefegulo ke hafeido degeimou, Yesuha e mala dia emokou tobou, name sa kou tou fogou ba, Judiakou iba, ne dabai degele idi o kediage na midihogehenge milou goubaduguloyode tobolou i.

⁴ O taha dabai e degedi keme o sasai sudo kedia tawamabadomou be, e mogogou degediyo mei. Na ileba, midihogadagadana milou gadi ke sa sa o olou fei kedia dihile kokou ge milou gayede tobolou i.

⁵ E mala Diane emokou ta damaleyodele ili meido.

⁶ Kegemou, Yesuha diamokou tobou, dabai a degele kaha sawisie keme you dala. Nime nibukou ile deba, haba habage ile deba kene tabou mei.

⁷ Sa sibige o sasai kediage nibou dafa iyo mei, anou dafa ili, yobe a die midihogekasagai ke tama dege tobolou kaha degeimou.

⁸ N̄ime kefegulu kokoū yama. Ame habage ile. Yobe, dabai a degele kaha sawisieie keme you dala kaha degeimoū.

⁹ E kege toboū mamoū be, sa Galilikoū noū delei, ta ili mei.

¹⁰ Kegemoū, e mala dia kefegulu kokoū diabukoū youmoū, ene habage amafei womoū gue ibe, o sasai kedia ta tawale ili mei.

¹¹ Kegeimoū, Juda o kedia kefeguo dalaguali, e dugulamoū ka isemoū, o keme kou? de yodulo i.

¹² O sasai kediae amafeinoū, eme o bolodoyodele i. Haba ilo kediae, eme ogoū gai ta toboū di oyodele i.

¹³ Kenoū si dia Juda hiye o kedia mokoū gue degeimoū, Yesuha degeli keme tama dege toboloū ili mei, amafeinoū toboloū i.

¹⁴ Kegemoū, kefegudi sawisieie kelege kefeguo dalaguali, duo tofoū moū, Yesu e Godiha moso kekaimidu folomoū, egei yomogoū hehegiei.

¹⁵ E Godiha ta hehegie toboloū dalamoū, Juda o kedia kesigiemoū, o koume tewebe kilija kele moloū? Kuoloū yo dulo i o kediae emokoū be ta hehegili meiyode toboloū i.

¹⁶ Yesuha koū gue tobou, ta a hehegie toboū di keme mayoū ma ta mei. O a toboū moū migi o kaha, e tayode tobou.

¹⁷ O koyoha Godiha tagali sagai ke sesele tagaibabe, enoū si ta a toboloū keme damaledo Godiha tadade tawale.

18 O koyohā tā yōū tagali sagaī kenoū toboū babe, o kemē yōū ē hunoū hebele foguomoū toboloū. Dabai degedi o koyohā o ē toboū moū haguei o kahā hū kenoū hebele foguobasi, o kemē damaledō tā toboū di o, ogoū gai tā ta toboū diyo mei.

19 Yesuhā haba tobou, Moseshagē nimokoū kuoloū tā koū maiye, kenoū si nī o tahā ta kuoloū tā kē sesele idiyo mei. Nī kageimoū ā walamoū degele iya? de yodu.

20 Diā toboloū i, namē duo kasagaiye tou o. O koyo diā nā walamoū degele iya?

21 Kegemoū ē sima tobou, nigē ā misiholo duwodi sawisiē kelege midihō gehē tanoū feī kē miloū kokoū noū fī mā ili.

22 Moseshagē nimē o sisigō kediā kolo diafigile idi kē* hegi. Kenoū si nī koū guai o kediagē, Moseshā kuoloū tā kē malī mei kelege koū yomogoloū i. Kegei kahā degemoū, misiholo duwodi sawisiē kelegene, nigē nī o sisigō kediā kolo diafigile idi.

23 Misiholo duwodi sawisiē kelege, nī o sisigō kediā kolo diafigile idi kemē Moseshā kuoloū tā goboū diyo mei debabe, misiholo duwodi sawisiē kahā ā do o miloū goumoū bolō degei kemē, kageimoū gofōū degele iya?

* **7:22 7:22** Juda o kediā die o sisigō kediā *kolo diafigidi* kemē Godihagē diamē yōū ē biyodema makadi. Stat 17:12 kokoū Godihā Abrahamkoū, nī o dihi malā feleba, die sawisiē oloū feī dimayosi kege mei degeibabe, die kolo diafigimabeede tobou.

24 Midiho ta obe milou gouba, ni dugubabe, ni mou figa tobou dama. Midiho e milou ga i ke figa tobou lababe, nige dou donou tobou ma.

O sasai kediage Yesu eme koyo domou defeido tawalamou degele i

25 Sa Jerusalem o sasai ilo kedia Yesuha dege-golu ke duguomou, hiye o kedia walamou degele i obe kuhe? dema dio usie yoduga i.

26 E tamakou tafalali, e ta ke hehegie tobou mou be, o tae ta e akoguyo mei. Di hiye o kediage eme damaledo Godiha makai o Kelesudade de tawale ilidei?

27 Kenou si o koume dige e sabe kou tewe. Godiha makai o Kelesuha hagubasi, o taeye e sabe ta tawale meiyode tobolou i.

28 Kegemou, e Godiha moso kekaimidu egei hehegie tobolou gi, hiligedo yodu, ni tawalibe nige ame kou teweyodele ili? Haba ma sane ni kou teweyodele ili? Ame mayo u ma tagaiya ke hagueli mei. Damaledo tanou tobou di o kaha tobou mou, a kuhe haguei. O keme ni ta tewe mei.

29 Anou si eme kou tewe. Yobe ame ebou de dalali, e a tobou mou kuhe migi kaha degemou.

30 Kege tobou kaha dowoye, o kedia e tou lamou degele i. Kenou si ta tolou ili mei, yobe sawisie Godiha o kedia e tolou ile ke makai keme you dala kaha degeimou.

31 O sasaj̄ kefegu kilegebe, o sudo emokoū damaleyodema, koū gue toboloū i, Godihā makai o Kelesu e hagubabe, midihō gehē gehē e miloū gale kahage o koūmahā miloū golu keme gabale sagaj̄ meiyodele i.

Juda hiye o kediā die kasamane o toboū moū Yesu didiō degelamoū haguasiei

32 O sasaj̄ kediā Yesuhā degeli ke amafeinoū toboloū imoū, Farisi o kediā dulomoū, diaboū mogoū du dalaguadi hiye oboū kediā die kasamane o kediā toboū moū, Yesu toloū ba ta salamoū haguasiei.

33 Kegemoū Yesuhā diamokoū tobou, ame n̄iboū de huyadefeinoū dala demaba, o ā toboū moū haguei o kokoū haba bohouloū mā ile.

34 Ā fogoū ibabe, n̄i ā kouba ta dugulo mei. Ā ileba dalale kokoū be n̄ige ta ile sagaj̄ mei.

35 Kege toboū moū dulomoū, Juda o kediā diōusie yoduga i, o koūmahā di e kouba ta dugulo meiyode toboloū keme e kiliya ilamoū? Eme Juda o sasaj̄ ilo kele, Grik sabekoū dalagua kediamokoū ilamoū? Haba Grik o sasaj̄ kediamokoū egei hehegie ilamoū? de toboloū i.

36 Ē fogoū ibabe, n̄i ā kouba ta dugulo meiyodei. Haba ē ileba dalale kokoū be n̄ige ta ile sagaj̄ meiyode tobou kahā e sibigebe kagei? de yodulo i.

Yesuhā tā makaibe fī n̄edi hueī kokoū mā tobou

³⁷ Kefegudi kaha uwage sawisieie keme sawisieie hiyedo. Sawisieie hiye kelege, Yesuha hagua tafalali, hiligedo kou gue tobou, o koyoha huei nale sagai degeibabe, amokou haguaba, huei kou nayedede tobou.

³⁸ Godiha kuguokou nalai dala keme kou gue, o amokou damaleyodili o keme e duledube fi nedi huei kaha folo amamouba ilenou dalaleyode tobou.

³⁹ Yesuha fi nedi huei ke tobou kaha sibigebe Duo Bolofei. Habage damaleyodele i o sasai kedia tou yedema, Godiha Duo Bolofei tobou ba migile. Yesuha ta ke tobou kelegebe Duo Bolofei keme neli mei, yobe Godihage Yesuha hube solooumou hebele foguli mei, you kelege e ta ke kuhe tobou.

O sasai filemou sosou bolou degei

⁴⁰ O sasai kedia Yesuha kege tobou mou du-lomou, ilo kediage, o koume habage-degele-duguo-tobou di-o di e haguale ke dia dalaguabe kuheyode tobolou i.

⁴¹ O ilo kediage o koume Godiha makai o Kelesuyode tobolou i. Ilo kelege tobolou ibe, Yesu eme Godiha makai o Kelesu mei. Yobe, Kelesuha hagubabe, eme sa Galilikou ge tofougou haguale meiyodele i.

⁴² Godiha kuguokou be kou gue nalai dala, Godiha makai o Kelesube hiye o Devitha huti. Kegei kaha degemou, eme Devitha sa Betlehemkou ge mala feleyode tobolou i.

43 Kege tobolou iligibe, o ilo kele Yesukou damaleyodele i, haba ilo kediamе dafa i. Fi tanou degele ili mei.

44 O ilo kedia e tolou ba didio degelamou degele iye, kenou si eme o taha ta tou li mei.

Juda hiye o kedia Yesukou damaleyodele ili mei

45 Kegemou, kasamane o kedia bohoulou ma yai. Mogou du dalaguadi hiye obou, Farisi obou kediamokou ya fologoumou, diage ni kageimou o ke tolou ma wolou haguasieiyо mei? de tobolou i.

46 Kasamane o kedia tobou, ta o kaha tobou di keme daga. O tae ta e tobou di sagai kege ta tobou diyo meiyode tobolou i.

47 Farisi o kediage, nine e tobolou kokou damaleyodele ili? de yodulo i.

48 Ni dugulube, gamani obou, Farisi obou olou fei eige emokou de damaleyodele imou dugulo ili? Ei ta damaleyodele iyo mei.

49 O sasai kuolou ta ta tawale ili mei kedianou si emokou damaleyodele i. O sasai kediamе Godiha toboube, diame habage makoloyode tobolou i.

50 Farisi o ta Nikodemus ene kokou duwei, eme Yesukou kou i o. O kaha yogo diamokou yodu,

51 di kuolou taеge, o tabe mou de ta sa idi? Di kege ta degediyo mei. O ta ta salamou be, o kaha yoou degegai ke tobou mou, di defeido dulomou kuhe ta sa idiyode tobou.

⁵² Yogo diã Nikodemuskoū koū gue toboloū i, nãne sa Galili o sa degei. Nā ile, Godihā kuguokoū habage-degele-duguo-toboū di-o sa Galilikoū ge ta de haguei deba husoꝑuma duguye de toboloū i.

[O kediā midihõ kasagaī milou sasaī ke woloū haguasie, Yesukoū felegaī

⁵³ Kegemoū, o kediā die mosokoū fogoū yai.

8

¹ Yesu e bitoū Olivkoū ile felei.

² Sabiyomoū, e boholoū mā ile, Godihā moso kekaimidu foloumoū, o sasaī sudo haguasie kefeguo silemā dalaguamoū, e duwoli, egei hehegiei.

³ Egei toboloū duwomoū, Moseshā kuoloū yo dulo i oboū, Farisi oboū kediā sasaī ta, o hiyou degei ke toloū haguasie, o sasaī kediā dihile kokoū tefegile i, e midihõ kasagaī miloū moū koū dugulo i kahā degeimoū.

⁴ Sasaī ke tafalamoū, diã Yesukoū koū gue toboloū i, Tisa, eige sasaī koꝑume o tahā hiyouye woloū sumoū dugulo i.

⁵ Moseshā kuoloū tãege sasaī kegele keme igiye wouba tolo iyedei. Nãge kage tawaiya?

⁶ Diã ke yodulo ibe, moū yoꝑuwa yodulo ili mei. Yesu e tā ta toboū ba diã tefele duloba, e kuhe tā salamoū degele i. Kenoū si e bale mulomoū, dobogoꝑuye mihikoū nalagaī.

7 Kegemôu, diã haba yoduga imôu, e haguamôu tobou, ni kile o koyoha midihô kasagai ta milou li mei debabe, sasai keme o kaha ebukou do igi mala fayede tobou.

8 E kege tobou ma, haba bale fiyamou dobogo uye mihikou nalaga duwei.

9 Diã Yesuha ta ke tobou mou dulomou, diã tanou tanou fogou ma yolugi mei degei. Odo kedia diabukou youmou, o ilo kediame habage yai. Kelebe Yesuha esofei dalamou, sasai kenou si kele tefelei.

10 Kegemou, Yesuha haguamou, sasai kokou yodu, o kediame kiliya yolou? O tae namokou ne midihô kasagai kaha hebe keme neli mei?

11 Hiye o, kegele mei, diã amokou ma midihô kasagai kaha hebe keme ta neli meiyode tobou. Yesuha emokou kou gue tobou, ane namokou hebe kasagai ke ta neli mei. Na ileba, midihô kasagai haba ta milou dayede tobou.]*

Yesube sa sibige ko umaha hoho hiyedo

12 Kegemou, Yesuha o sasai kediamekou haba kou gue tobou, ame sa sibige ko umaha hoho hiyedo. O koyoha a sesele ibabe, e huliaya ta siale mei, eme fihã hoho hiyedo ke molo u.

13 Kege tobou mou, Farisi o kediage, na nou degedi kou tobolou kahage, o eige ne ta keme ta dulo damaleyodele sagai meiyode tobolou i.

* **8:11 7:53-8:11** Tewe o ilo kedia tawale ibe, maka [...] ko umaha mogou du dala ta koume Jonha nalali mei, kenou si o tae habage nalidade tawale i.

14 Yesuhā sima tobou, a mayoꞑu degedi ke koū toboloū ye, kenoū si nige mā tā duloba damaleyodema. Yobe, sa ā dala dema haguei keboū, ā ile saboū keme mayoꞑu koū tewe kahā degeimoū. Ninoū si sa ā dala dema haguei keme nī ta tewe mei. Haba ā ile sa kene nī ta tewe mei.

15 Nime sa sibige koꞑumahā midihoya kenoū figa tā sa idi. Anoū si tā sadibe dafaiye,

16 kenoū si ā figa tā soubabe, ā damaledo kenoū toboloū. Yobe ame masofei dala mei kahā degemoū. Ame mā Aye ā toboū moū haguei o keboū de dala.

17 Nioū nī kuoloū tā kuguo kokoū be koū gue nalaī dala, o bolouye tā tanoū feī toboū babe, tā keme damaledo toboloū yode tobou.

18 Kegemoū, ā mayoꞑu degedi ke toboloū kuhe. Haba, mā Aye Godi, ē ā toboū moū haguei o kahane ā degedi ke toboloū.

19 Kegemoū, Farisi o kediā emokoū nē ayebe kou? de yodulo i.

Ē tobou, nige ame tewe mei. Mā Ayene nige ta tewe mei. Nī ā tawali debabe, nige mā Ayene tawaliyode tobou.

20 Yesuhā tā ke tobou kelegebe, eme Godihā moso kekaimiduge sele sa idi ke hafei dege tafalali, egei hehegie tefelei. Kenoū si o tae ē ta toū li mei, yobe sawisie Godihā makai keme you dala kahā degeimoū.

Yesuhā sa ē ile kokoū be o sasai kediā ta yale sagai meiyode tobou

21 Yesuha haba o sasaj kediamokou tobou, a fogou ibabe, nige a ka ile. A ile kokou be ni ta ile sagaj mei, nime midihog kasagaj milou ga idi kaha degemou, nime tofigile ile.

22 E kege tobou mou dulomou, Juda o kedia diojusie kou gue tobolou i, eme yojusie wouba tolo ilamou tobolou dei? Kegei kaha a ile kokou be ni ta ile sagaj meiyode kuhe tobouyode tobolou i.

23 Kegemou Yesuha diamokou tobou, nime hayemou o. Ame tagetou o. Nime sa sibige kooumaha o, ame sa sibige kooumaha o mei.

24 Age nime midihog kasagaj milou ga idi kaha degemou, nime tofigilenou yode tobou. Ame You Kegenou Daladi O,* ni amokou damaleyode ho fogou babe, nime tofigile ile, midihog kasagaj milou ga idi kaha degemou.

25 Kegemou, dia emokou name koyo? de yodulo i. Kegemou e kou gue tobou, afu a tobou mou niou kou dulo i o anou be kuhe.

26 Ta a nimokou tobou lamou degeli kouume ni midihog kasagaj milou ga i kaha hebe kaha ta ke tobou lamou degeli. Kenou si o e a tobou mou haguei o keme damaledo tanou tobou di o. E amokou tobou mou du kenou be age haba sa sibige o sasaj nimokou tobou di.

* **8:24 8:24** Yesuha hu tabe You Kegenou Daladi O. Godiha hune You Kegenou Daladi O. Dilie hu be tanou fei.

27 Kege kōu tobouye, kenōu si diage ɛme ɛ Ayeḥa ta tobolōu dade ta tawale ili mei.

28 Kegeimōu, Yesuha diāmokōu tobou, n̄i O Kedia Dihi ke sugutōu hebele fogubabe, n̄ige ɛme Yoṽu Kegenōu Daladi Odade tawale ile. Kegeibasi, n̄ige ɛme mayoṽu ma tagaiya ke degediyo meidade tawale ile. Aḡe ma Ayeḥa ɛmōkōu tobōu mōu du kenōu tobōu mōu ili.

29 O ɛ a tobōu mōu haguei o kahage ɛme dogōu guonōu dala. E a tōu fogōu li mei, aḡe ɛ hohō degedi kenōu degegadi kaha degeimōu.

30 E kege tobōu mōu, o sasai sudo kedia dulomōu, ɛmōkōu damaleyodele i.

Damaledo ta kahage o sasai di kofou ga degele dala

31 Kegemōu, Yesuha Juda o sasai ɛmōkōu damaleyodele i kediaḡmōkōu, n̄i ma ta ke dulo defeido tōu babe, n̄ime ma dabai degedi o bolodoyode tobou.

32 N̄i ma ta damaledo ke tawale ibabe, n̄ime kofou ga degele ile.

33 Kegeimōu dia kōu gue sima tobolōu i, eibe Abrahamḥa huṽti, eibe sa ta o kedia hayedu ta delesi mei. Fisimōu dabai degele idi keme ei ta degele idiyo mei. Naḡe eibe habage kageimōu kofou ga degele ileyode tobōu ya? de yodulo i.

34 Kegemōu, Yesuha diāmokōu tobou, a n̄imokōu damaledo tobolōu kuḡe, midihō kasagai milōu di o keme kofou ga dege

ta daladiyo mei, ɛme midihɔ kasagai kaha dabainou degele daladi.

³⁵ Midihɔ kasagai kaha dabai degele idi o kediamɛ Godiha sosou bou de ta tofousogo tofolou ile mei. Godi yoɔu ɛ sisigo kedianou si tofousogo tofousogo tofolou ile.

³⁶ Godiha ɛ Dihiha degeiyenou, ni kofou ga degele ile keme damaledo kofou ga dege yoɔu kegenou kuhe dalale.

³⁷ A tewe, nime kou Abrahamha hutie, kenou si nige ame wouba tolo ileyodema ama dalagua kaha degemou, ma ta koume nige ta dulomou tolou ili mei.

³⁸ Age nimokou be ma Ayeha amokou hegi ke tobou di. Nine ni ayeha nimokou tobou kenou degele idi.

³⁹ Kegemou, diage Abraham ɛme ei kou guai oyode tobolou i. Yesuha sima tobou, Abrahambe ni kou guai o debabe, nine midihɔ ɛ milou gadi sagai kenou milou ga idi.

⁴⁰ Damaledo ta Godiha amokou tobou keme a nimokou kou tobouye, kenou si ni a wouba toloyode tobolou ili kuhe. Midihɔ keme Abrahamhage kege ta degeli mei.

⁴¹ Nime niou ni ayeha degegadi sagai, nine kenou degele iliyode tobou. Kegeimou, dia sima tobou, eibe saai hiyou moɔudi o kedia sisigo mei. Ei Ayedobe Godinou yode tobolou i.

⁴² Yesuha diamokou kou gue tobou, Godibe ni

Aye debabe, n̄i amokōu hohō degele ili. Yobe ame Godikōu ge hagua dala kaha degeimōu. Ame mayo□unōu tawaga hagueli mei. Godiha tobōu mōu a kuhe haguei.

⁴³ A tobolōu keme n̄i kageimōu tawale iyo mei? Yobe, n̄i ma ta dulo dafa idi kaha degemōu.

⁴⁴ N̄ime n̄i aye Tamaha sisigo. N̄i aye tagali kenōu degelamōu degele ili. N̄i aye eme afudo o womōu tofigie haguabe demōu, ifine kegenōu dala kuhe. Eme ta damaledo ta tobōu diyo mei, damaledo ta keme e tou li mei kaha degemōu. E ogōu gai ta tobōu dibe yo□u e taenōu tobōu di. Yobe eme ogōu ga tobōu di o, ogōu gadi midihō kaha e obōu kaha degemōu.

⁴⁵ Anōu si damaledo tanōu tobōu diye, n̄i ma ta damaleyodele iyo mei.

⁴⁶ N̄ige a midihō kasagai milou ta de tawale ili? Kegei ta tawaibabe, n̄i toto tama dege tobōu ma. Age damaledo tabe kōu hehegiediye, n̄ige ma tabe kagei kaha degeimōu damaleyodele iyo mei?

⁴⁷ O sasai Godiha e sisigo kediamē Godiha ta dulo sesele idi. N̄ime Godiha sisigo mei kaha degemōu, n̄ige ma ta dulo ile mei.

Yesuhage Abrahambe e adiuu ha mala felī mei kelege, ame mayo□u kege deleiyode tobou

⁴⁸ Kegemōu, Juda o kedia Yesuha ta simamōu, name Samaria o, duo kasagaiye toudei? de tobolōu i.

49 Kege susuga tobolou imou, Yesuha kou gue tobou, ame duo kasagaiye tou o mei. Ame ma Ayeha hunou hebele fogudi. Kenou si nige ma hu huyafei degele ili.

50 Ame mayoou ma hu hebele fogulamou degeiyo mei. O tahasi ma hu hebele fogulamou degeli. O keme ta sai fidi Hiye O.

51 A nimokou damaledo tobolou kuhe, o koyoha ma ta ke duloba defeido tou babe, o keme tolo ile mei.

52 Kegemou, Juda o kedia emokou, eige name duo kasagaiye toudade tawale iliyode tobolou i. Abrahambe tolo i. Habage-degele-duguo-tobou di-o kediane tofigile hobogouye, kenou si nage o koyoha ma ta duloba defeido tou babe, eme tolo ile meiyode tobolou.

53 Nage ei kou guai o Abrahambe huyafei degema nanou si hiyedo o dala dale? Eme tolo i. Habage-degele-duguo-tobou di-o kediane kou tofigile hobogou. Nouge name koyoyode tawaiya?

54 Yesuha sima tobou, a mayoousie hohobou babe keme mou youwa degeli. Ma Aye, nige ni Godiyode tobolou idi kahanou si ma hu hebele fogudi.

55 Nige eme tewe mei, anou si eme kou tewe. Age eme tewe meiyode tobou babe, ame ogou gai ta tobou di o, ni sa degei dala. Kenou si age ma Ayebe kou tewe, e tabe a dulomou tolou daladi.

56 Ni kōu guai o Abrahamhage a migile ke duguloyodema hohō dege dalali, a migimōu duguomōu hohō hiyedo degei.

57 Juda o kedia emokōu tobolōu i, name ne sadebebe olōu fei 50 kege degeli mei, you dalaye, kenōu si nage Abrahambe kōu dugu dale?

58 Yesuha tobou, a nimokōu damaledo tobolōu kuhe, Abraham e deleli mei kelege, ame Mayoū Kegenōu kuhe Delei.*

59 E kege tobōu mōu, Juda o kedia igi moūuma, e walamōu kōu degele iye, kenōu si e Godiha mosō kekai ke tōu fogōu, amafei fogōu i.

9

Dihō du degei o kaha ta

1 Yesuha sulugi dugube, dihō du degei o ta duwomōu dugu. O keme e adioū ha dihō du degei kegei kuhe mala felei.

2 Yesuha o ke dugumōu, e dabai degedi o kedia emokōu yodulo i, Tisa Hiye, o koūume e adioū ha mala felemōu dugube, e dihō du degei dugu keme kageimōu degei? O koūumaha yoūu e midihō kasagaiye degei? Haba, e aye e adioū dilie midihō kasagaiye degei?

3 Kegemōu, Yesuha tobou, kegei mei, o koūume midihō kasagai ta milou kaha hebeye degeli mei. E ayeboū e adioū boū diliene midihō

* **8:58 8:58** Ta Yesuha tobou kaha sibigebe ame Godiyode tobou. O Yoūu Kegenōu Daladi O keme Godiha yoūu e hu ta.

kasagai ta milou li mei. Keme Godiha e neleye o koou bologuuba bolu degeiba ni dugulo ile kaha degeimou, e diho kuhe du degei.

⁴ Ifi sabiyei dala kou bou ge, o e a tobou mou haguei o kaha e dabai keme di degeme. Hulia degeibabe, o tae ta dabai degele sagai mei.

⁵ A sa sibige kuokou dala kou legebe, ame sa sibige kuokou hohogudi hoho sa degei.

⁶ Kege tobou ma, Yesuha koso mihikou hele muguo, kosobou mhibou tiagewoma, diho du degei o kaha diho kokou dogoumou,

⁷ na ile, huei hiei Siloamkou to toyede tobou. Ta Siloam kaha e sibigebe kou gue, o taha o ta tobou mou i. Yesuha diho du degei o ke tobou mou ile, to toma, boholou ma hagulugi, e diho bolu degeimou e bimai olou fei bologua dugu.

⁸ Kegemou, diho du degei o keme, e mosoma diabou, haba afu e sele hawagoumou kou dugulo idi o kediabou diage e diho bolu degei ke duguomou yoduga i, o koume sele hawaga duwodi obe kuhe? dele i.

⁹ O ilo kediage, damaledo, eme kuheyodele i. Haba o ilo kelege tobolou ibe, kegele mei, eme o ta, e midihobe sele hawaga duwodi o kaha midihou sa degei. Kegeimou, o kaha yoou tobou, o keme anou kuheyode tobou.

¹⁰ Kegemou, o kedia emokou, ne dihobe kageiye bolu degelou? de yodulo imou,

11 ẹ tobou, o ta ẹ hube Yesuyodele idi kaha mihi kosobou de tiagewoma, ma diho kou doguomou, amokou na ile, huei hiei Siloamkou to toyedeimou, a ile to tomamou, a kuhe bologu duguluyode tobou.

12 Diage o keme kou? de yodulo imou, ege a tewe meiyode tobou.

13 Kegemou, dia o ẹ diho bolu degei o ke Farisi o kediamokou wolou yai.

14 Sawisiei Yesuha kosobou mihibou tiagewoma, diho du degei o ke bologuai sawisiei keme misiholo duwodi sawisiei.

15 Kegei kaha degemou, Farisi o kediane o emokou, ne diho kageiye bolu degei? de yodulo i. Ege, o kaha kosobou mihibou tiagewoma, ma diho kou dogogumou, a to toma, diho bolu degeimou bologu duguluyode tobou.

16 Kege tobou mou, Farisi o ilo kediage, o diho du degei o bologuai o keme Godiha tobou mou hagueli meiyode tobolou i. Yobe, eme misiholo duwodi sawisiei kaha kuolou ke sesediyo mei kaha degeimou. Haba o ilo kelege kou gue tobolou i, eme Godiha tobou mou hagueli mei debabe, ege midihou gehe gehe ke ta milou gadiyo mei. Midihou kasagai degedi oyege kege degediyo meiyode tobolou i. Kege tobolou imamou, dia fi tanou degele ili mei, filemou sosou bolou degei.

17 Kegemou, dia o ẹ diho bolu degei o kokou haba yodulo i, o ne diho bologuai o keme nage

kagei oyode tawaiya? O kahage, o keme habage-degele-duguo-tobou di-oyode tobou.

¹⁸ Kenou si Juda o kediage o diho du degei ke bologuomou bolu degei keme ta damaleyodele ili mei. Dia o ta tobou mou ile, o diho du degei ke bolu degei kaha e ayebou e adiou bou wou ma hagumou,

¹⁹ diliemokou yoduga i, o koume de nele dihi? Nelege o koume e adiou ha mala feleimou dugube, de diho du degei dugulo i? E ifibe kageiye diho bolu dege duguomou suya? de yoduga i.

²⁰ E aye dilie e adiou diliege, o koume ele dihido. E adiou ha mala feleimou dugube, diho du degei keme yonu kegei kuhe dugulo iyode tobolou i.

²¹ Kenou si, e kageiye bolu dege duguo sulu keme ele ta tawaiyo mei. O ele dihi e diho bologuai o keme koyo kene ele ta tawaiyo mei. Ele dihibe hiye degei kaha, ni yonumakou nou yoduba, yonu tobolou ke дума.

²² E aye dilie e adiou diliege Juda o kediamokou gue degemou kege kuhe tobolou i. Yobe, Juda o kediage o koyoha Yesube Godiha makai o Kelesuyode tobou mou be, o keme egei mosokou folodayede tobolou idi kaha degeimou.

²³ Juda o kedia kuolou ke ma i kaha degeimou, o e diho bolu degei kaha e aye dilie e adiou dilie, ele dihibe hiye degei kaha degeimou, ni

yo^umak^ou yodumabeede kuhe tobol^ou i.

²⁴ Kegem^ou, Juda o kedia o e diho bol^o degei ke haba haguism^ou hagum^ou tobol^ou i, na Godiha huya ke damaledo tan^ou tob^ou yedele i. Ei tawalibe, o nab^ou de ta kei o keme midih^o kasagai mil^ou di odadele ili.

²⁵ O kaha tobou, o keme midih^o kasagai mil^ou di o sagai, haba kegediyo mei sagai, kene a ta tewe mei. Tan^ou fei a tawalibe, ame kou diho du degei oye, ifibe ame bologua duguom^ou sulu kuhe.

²⁶ Kegem^ou, dia emok^ou, o kahage namok^ou kage degelou? Ne diho be e kage degeiye bol^o degelou? de yoduga i.

²⁷ E diamok^ou tobou, age nimok^ou kou tobouye, ni ta dulo ili mei. Nige haba kadegeim^ou dulam^ou degele iya? Nine e dabai degedi o degelam^ou degele ili?

²⁸ Kegem^ou, dia e susugam^ou be, nan^ou si o kaha e dabai degedi o. Haba eibe Mosesha dabai degele idi oyodele i.

²⁹ Ta Godiha Moseskou tobou keme ei kou tewe. Haba ne diho bologuai o kaha sa e tofogu^o mou haguei keme ei ta tewe mei.

³⁰ O afu diho du degei o kaha tobou, nime tot^ou degem^ou tobol^ou ili. Nige e tofogu^o haguei sa keme tewe meiye, ken^ou si e ma diho bologuom^ou bol^o degei.

³¹ Di tewe, o sasai midih^o kasagai milol^ou idi kedia diho baga tob^ou mou be, Godihage die

dihō bagā tobolōu keme dudiyo mei. Godikōu hohōbōu di o sasai, Godihā tagali kenōu degele idi kedia dihō bagā tobōu mōu si, Godihā die tā dudi.

³² O e adioū hā dihō du degei kegei kuhe malā felej ke bologuomōu bolō degei kaha t̄abe di afu ta dulo idiyo mei.

³³ O keme Godihā tobōu mōu hagueli mei debabe, ege dabai kege ta degele mei.

³⁴ Kegemōu, Farisi o kedia gofoū degemōu, o e dihō bolō degei kokōu, n̄ame n̄e adioū hā n̄a malā felejimōu kelege, n̄a midihō kasagai yomogōu milōu gamōu hagulugi ifine kuhe. N̄a eimokōu egei tobōu dayedele ima, hele mugulo i.

Damaleyodili mei o kedia me dihō du degei o sa degei

³⁵ Yesu dube, hiye o kedia o e dihō bolō degei o ke hele muguyode tobolōu imōu dulomōu, e o ke kolugi duguomōu, o kokōu, n̄age O Kedia Dihi kokōu be de damaleyodili? de yodu.

³⁶ O kaha yodu, Hiye O, O Kedia Dihi keme koyo? N̄a amokōu tobōu ba, ane tawaleba emokōu damaleyodeleyode tobou.

³⁷ Yesuhā tobou, n̄age o keme kōu dugu. Eme nabōu de tā kolu kuheyode tobou.

³⁸ Hiye O, ame ifi namokōu damaleyodili kuheyode tobōu ma, yubu sugulo fiya duwoli, Yesukōu dihō bagā tobou.

³⁹ Kegemōu, Yesuhā tobou, a sa sibigē kuokōu hagueibe, o sasaj̄ figalamōu haguei. Kegeiba, o dihō du degele i kediā dihō bolō degeiba, haba o dihō bolō kediamē dihō du degele ileyode tobou.

⁴⁰ Farisi o ilo, ebōu deleigui kediā tā ke dulomōu, nage eine dihō du degei dugulu? de yodulo i.

⁴¹ Yesuhā tobou, n̄i dihō du degele iyodele i debabe, n̄ime midihō kasagaj̄ kahā hebe ta moloꞑu dala mei. Kenōu si n̄i n̄iōu sie n̄ime dihō boloyode tobolōu i kahā degemōu, n̄ime midihō kasagaj̄ kahā hebe keme moloꞑu dala.

10

Yesube wai sipsip dia daladi o bolofeido

¹ Yesuhā kōu gue tobou, a n̄imokōu damaledo tobolōu kuhe, o koyohā wai sipsip kekaimidu folobe, folodi a kōu dalaba, kekai tageya gabama fiyoubabe, o keme wai sipsip hiyou moꞑudi o.

² O kekai aya kenōu soloꞑumā folodi o keme damaledo wai sipsip dia daladi o.

³ Wai sipsip dia daladi o kahā falamōu be, kekai kahā adi dia daladi o kahā a tefei soꞑugōu mōu, e folo toꞑmōu be, wai sipsip kediā e tā ke dulo idi. Die hū tanōu tanōu soloꞑu haguismōu dulo imōu be, e sosogōu tamakōu fogōu idi.

⁴ Sosogōu tamakōu folomōu, eme ebukōu imōu be, e wai sipsip kediage e habage yadi, yobe dia e tā kōu tewe kahā degeimōu.

⁵ O tae ibabe ta sesele yale mei. Diā mōu kama fosigile, yobe o kaha t̄abe diā ta tewe mei kaha degeimōu.

⁶ Yesuhā o kediamokōu t̄a makai k̄e tobōu mōu be, o kediage sibige ta tawale ili mei.

⁷ Kegemōu, Yesuhā haba kōu gue tobou, a n̄imokōu damaledo tobolōu kuhe, mayoŋu ame wai sipsip kekaimidu folodi a.

⁸ A hagueli mei kelegebe, o ilo kedibukōu haguasiemōu, gule wai sipsip dia daladi oyodele idi. Kenōu si o kediame wai sipsip hiyou mala idi o. Diā tobolōu be, wai sipsip kediage ta dulo idiyo mei.

⁹ Ame wai sipsip kekaimidu folodi a. O koyoha a keleya k̄e feleibabe, a o k̄e mamoloŋu. Kegeiba, o keme muma felema dega dalalibe, hegie ta degele mei.

¹⁰ Hiyou moŋudi o kediage haguasie, wai sipsip hiyouye moŋuma, ilo kele woumōu tofigile idi, haba ilo kelebe makolo idi. Anōu si, diame tofousogo tofousogo tofolōu k̄e mala iyadomōu kuhe haguei.

¹¹ Ame wai sipsip dia daladi o bolodo. Wai sipsip dia daladi o boloyege wai sipsip kaha dowoye, tolo ilebe tabōu mei.

¹² Sele dabainōu degedi o wai sipsip dia daladi o keme, wai sipsip kediā obōu mei. Si soye haguba duguba, wai sipsip kediā tōu fogōu kama folo. Kama foubā, si soye folo, wai sipsip ilo kele woubā, ilo kele kama fosigile.

13 O kegei kahage eme kama fodi, eme sele dabainou degedi kaha degemou. Wai sipsip kediamokou be e ta solou do degele mei.

14 Ame wai sipsip dia daladi o bolodo. Age ma wai sipsip kediane olou feido tewe. Diane ame defeido tewe.

15 Aye Godiha a tewe. Ane ma Aye Godibe tewe, nebe kenou tefeibe, ma wai sipsip kediane ame tewe. Ame ma wai sipsip kedia dowoye tolo ile

16 Ma wai sipsip ilo kele kekai ta kokou dalagua kene a ile, wou ma haguale. Ma tabe dioou kou tewe kaha degemou, dia ma ta duloba, ma wai sipsip kou le dalagua kebou de geleguo tanou degele. Wai sipsip olou fei ke dia dalale obe tanou fei.

17 Ma Ayeha amokou hoho degeli kaha yobe, age oe a wouba tolo ilebe tabou mei kaha degeimou. Wouba tolo ileba, haba hagua gehe degele.

18 Ame o taha tagaiya ke tolo ile mei. A mayoou ma tagaiya kenou tolo ile. Ame mayoou tagaiya kenou toloba, haba hagua gehe degele. Ma Ayeha amokou kege degeyede tobou kaha degeimou.

19 Yesuha kege tobou mou dulomou, Juda o kedia dioousie fi tanou degele ili mei, haba filemou sosou bolou degele i.

20 O sudo kedia kou gue tobolou i, o koume duo kasagaiye touye, fi totou dege tobou mou sulu. Di e ta dudamebeede tobolou i.

21 Haba o ilo kediage kōu gue tobolōu i, duo kasagaiye tou oyege kege ta tobōu diyo mei. Duo kasagaiyege diho du degei obe ta bologuadiyo mei.

Juda o kedia Yesukōu tae biyamōu tobolōu i

22 Kegemōu, Juda o sasai kedia Godiha moso kaha dowo hohobōu di ke kefegulo i. Keme kulio a kelege.

23 Kelegebe, Yesu eme Godiha moso kekaimidu dalali, kefegudi moso, obe Solomonha mosoyodele idi kodu siei.

24 Sumōu, Juda o kedia haguasie silema dalaguali yodulo i, name o keyodebe kōu bōu ge tobolōu? Name Godiha makai o Kelesu deba, haba o ke mei deba eimokōu totodo tobōu yede tobolōu i.

25 Kegemōu, Yesuha tobou, a nimokōu kōu tobouye, kenōu si ni ma ta ke ta damaleyodele ili mei. Midiho gehe gehe a ma Ayeha huya ke milōu gadi kahage nimokōu ame ma Ayeha tobōu mōu hagueiyodema hegidi.

26 Kenōu si ni ta damaleyodele ili mei, yobe nime ma wai sipsip mei kaha degemōu.

27 Ma wai sipsip kediage ma ta uwo ke dulo idi. Age diame tewe, kegei kaha degemōu dia a sesele yadi.

28 Ma wai sipsip kediāmokōu be a fi tofousogo tofousogo tofolōu ke nei kaha degeimōu, diame makolo ile mei. O sasai ma dobogoꞑu tagetōu dalagua kediame o tae ta igile mugulo mei.

29 Ma Ayeḥa o sasai kediamē amokōu nei. Ma Aye ɛme neḷe hiyedo folodo. Ma Ayeḥa ɛ dobogoŋu tagetōu dalagua kediamē o taḥa ta igile mugulo mei.

30 Aḅou ma Ayeḅou elebe tanōu fei.

31 Haba, Juda o kedia igi moŋuma, ɛ igiye wouba toloyodema degele i.

32 Kenōu si Yesuha diamokōu tobou, Aye Godiha a tobōu mōu hagua dalali, midihō geḥe geḥe sudo nīmokōu kōu hehegiedi. Kelege a midihō geḥe kou degei kahage, ni dafale sagai degeimōu, ni a kuhe igiye walamōu degele iya?

33 Kegemōu, Juda o kedia sima tobou, midihō geḥe geḥe milōu gai keme taḅou mei. Na Godi huyafei degei kahā degeimōu, ei na igiye kuhe walamōu degele ili. Yobe, name sa sibige oye, kenōu si nage name Godiyode tobōu di.

34 Kegemōu, Yesuha die ta simamōu tobou, ni kuolōu ta kokōu be Godiha,

Age nime godiyode tobōu.

Buk Song 82:6

Ke nalai dala.

35 Godihage niōu ni kōu guai o kediamē godiyode tobou. Yoŋu ɛ ta ke nalai kuguo diamokōu nei keme yoŋu kegenōu dalale, di ta igile sagai mei.

36 Kenōu si ame Aye Godiha yoŋu ɛ biyode makama tobōu mōu sa sibige kuokōu kuhe haguei. A mayoŋusie ame Godiha Dihiyode tobou keme, nige kageimōu ame Godi huyafei degeiyode tobolōu iya?

³⁷ A ma Ayeha dabai ta dege ho fogou babe, ni ma ta kuokou ta damaleyodedama.

³⁸ A tobou di keme nige ta damaleyodele ili meiyē, kenou si a ma Ayeha dabai degelemou, midihō gehe gehe a milou gadi kokou be ni damaleyodema. Kegeiba, ni tawalebe, Aye Godibe abou de dogou guo dala, haba ane ebou de dogou guo daladade tawale ile.

³⁹ Kegemou, Juda o kedia haba e tou lamou degele iye, kenou si e dohou gou imou dia tou defega i.

⁴⁰ Kegemou, Yesuha bohoulou ma i, to Jordan dama ilemou, Jonha afu fafeleya degedi sa kokou folo delei.

⁴¹ Dalamou, o sasai sudo emokou haguasie felegamou, dioounou tugulomou, Jonhage midihō gehe ta milou li meiyē, kenou si e o kou tobou di keme damaledo tama degei kuheyode tobolou i.

⁴² Sa kele tie o sasai sudo Yesukou damaleyodele i.

**Yesu e sa Judiabou Jerusalebou
kele ile folo sumou, hiye o kedia
e walamou doususulo i**
(Ta Hiye 11-12)

11

Lasarus e tolo i

1 O ta, e hu Lasarus keme do degei. E sabe Betani. Sasai bolou Mariabou e owou Martabou diliene sa Betanikou deleigui.*

2 Sasai Maria keme sasai, Hiye O Yesuha abogou kokou huei hobou ke sou guomou, e widio towe sasado kaha toguei sasai ke.* Do o Lasarus eme Mariabou Martabou dilie mala.

3 Lasarus e do tilamou, e owou bolou dilie Yesukou, Hiye O, ne mogo eme do dalayode tobou ma dogogulo i.

4 Yesuha ta ke dulomou tobou, do keme tolo do tila mei. O kaha do ke tilabe, o sasai kedia Godiha nele ke duguoba, Godiha Dihi e hu hebele fogulo iyadomou kuhe do tila.

5 Yesuha Martabou, e malasai Mariabou, haba dilie mala Lasarusbou kediamokou solou do degei.

6 Kenou si Lasarusbe do tilayode tobou mou dulomou, e toto ta ili mei, sawisie i bolou kege tiamou,

7 ise e dabai degedi o kediamokou, di sa Judiakou bohoulou ma imebeede tobou.

8 Dabai degedi o kedia tobolou i, Tisa Hiye, wefe i Juda o kediage name igiye walamou degele i keme nage haba toto kageimou bohoulou ma ilamou degeiya?

9 Yesuha die ta simamou, e ta makai kou gue tobou, sabiyei hohobe gusugu aso felemou iligi

* **11:1 11:1** Luk 10:38-42 * **11:2 11:2** Ta keme na Jon 12:3 kokou dugu.

aso m̄umōu kuḥe huliā degedi. Obe sabiyei sumōu be, fiyadiyo mei, yobe ɛme sabiyei sulu kaḥa degemōu.

¹⁰ O koyohā huliāme subabe, o keme fiyale, yobe, hohō ta mei kaḥa degeimōu.

¹¹ Ɛ kege tobōu mamōu, ɛ dabai degedi o kediamokōu haba kōu gue tobou, di mogo Lasarusbe tiei tila. Tiei kaḥa degeimōu, a ile tiliguba, ɛ haguāle.

¹² Diā sima tobolōu i, Hiye O, ɛme tiei tilababe, ɛ dobe mei degeladiyode tobolōu i.

¹³ Yesuhā Lasarusbe tolo iyode tobolōu keme diāge ta tawale ili mei. Diā tawaiibe Lasarusbe yogōu gua tiei tobolōu yade tawale i.

¹⁴ Ɛ tobou kaḥa sibige ke tawale ili mei kaḥa degeimōu, ɛ diāmokōu tamā dege, Lasarusbe tolo iyode tobou.

¹⁵ Ame ɛ tolo i kokōu be deleli meiyē, kenōu si a n̄i mā nele ke duguoba, damaleyodele kaḥa degeimōu a hohō degeli. Di emokōu ime.

¹⁶ Kegemōu, Tomasha, ɛ hū tabe Didimus*, ɛ yogo diāmokōu be, dine ime, di yolugi, di Tisabōu de tofigiemebeede tobou.

Yesuhage ɛme tofigiei haguāgiedi o, haba enōu be fi n̄edi oyode tobou

¹⁷ Kegemōu, Yesuhā ile, sa Betanikōu folomōu, o sasai kediā tobolōu imōu dube, Lasarusbe

* **11:16 11:16** Hū Didimus kaḥa sibigebe kōu gue, sawisiei tanōu kelege, ɛ adiōu ḥa dihi bolōu malā felei.

toumōu widaimikōu dogogube, sawisiei bolou bolou kege mei degeiyode tobolou imou du.

18 Betanibe sa Jerusalem hafeido, kilomitabe 3 kegenou.

19 Kegei kaha degemou, Juda o sasaine sudo haguasie, Martabou Mariabou dilie dogou guomou, dilie mala Lasarusaha sihou gosolo deleigui.

20 Kegemou, Martabe o kedia Yesu haguluyodele imou dulomou, Yesu gelegulamou a kaga i. Mariabe mosokou duwei.

21 Martaha Yesu geleguomou tobou, na kou le delei debabe, ma malabe tolo ili mei.

22 Kenou si a tawali, na ifi Godikou diho baha tobou babe, ege na yodulu keme namokou neleyode tobou.

23 Kegemou, Yesuha Martakou, ne malabe haba hagua gehe degeleyode tobou.

24 Martaha tobou, a tewe, uwage sawisiei kelege, tofigiei olou fei hagua iba, ma mala ene hagua gehe degele.

25 Kegemou, Yesuha emokou tobou, ame o tofigiei haguagiedi o. Haba fi nedi one anou. O koyoha amokou damaleyodema, tolo ibane, e fi tofousogo tofousogo tofolou.

26 O koyoha fi tofousogo tofousogo tofolou ke mou lababe, amokou damaleyodebasi, eme haba ta tolo meiyode tobou mamou, Martakou, nage a tobolou keme de damaleyodili? de yodu.

27 Kegemōu, ege Yesukōu, Hiye O, damaledo, age name Godihā Dihidade tawali. Age name Godihā makai o Kelesu, sa sibige kuokōu hagualeyodele idi kaha hagueidade tawaliyode tobou.

Yesuhā Lasarus solōu do degeimōu, e sihou gesei

28 Martahā kege tobōu ma fogōu, bohōlōu mā ilemōu, e malasaikōu amafei kihiyōdu, Tisahā hagua dalali, na iyede tobolōu yodei.

29 Mariahā tā ke dulomōu, Yesu duguloyodema toto haguama i.

30 Yesube mosokōu feli mei, hagulekōu Martahā ile gelegu sa kokōu nōu delei.

31 Mosokōu be, Juda o sasai kedia Maria dogōu guo gosolo duwoguali dugube, eme totonōu haguama mumōu duguomōu, diage wa, e mala tei widaimikōu gasalamōu iliyademōu, diane sesele yai.

32 Mariahā ile, Yesuhā tafala kokōu folomōu, Yesukōu yubu sugulo fiya duwoli, Hiye O, na kōu le delei debabe, mā mala eme tolo ili meiyode tobou.

33 Kegemōu, Yesuhā dugube, Mariabōu, o sasai e sesele haguasiei kediabōu de gosolo imōu duguomōu, ene gosolo sagai degei.

34 Ni e teibe kilia dogogulou? de yodu. Hiye O, di ile dugumebeede tobolōu i.

35 Yolugi, Yesu e gesei.

³⁶ Gosoumōu, Juda o sasaj̄ kediage, Lasarusbe e mogodo kaha degeimōu, ene solou do degeimōu gosolu keheyode tobolou i.

³⁷ Kenou si o ilo kediage, o kōumahaḡe diho du degei o bologuomōu kou bolō degei. Ege Lasarusḡa tolo i keme kageimōu akoguli mei de tobolou i.

Yesuḡa Lasarus tei haguagimōu geḡe degei

³⁸ Kegemōu, Yesube solou do hiyedo degeimōu, e ile tei dogogu ulou kokou folo, hafei dege tefelei. Tei keme uloudu dogoguomōu, igi hiyedo kaha ulou adi ke goguo fogou le i.

³⁹ E diamokou tobou, igi ke kogolo imabeedei. Kege tobou mōu, o tei kaha e owou Martahaḡe, Hiye O, o tei uloukou deleibe, sawisiei bolou bolou kege mei degei. Hue kasagaj̄ hiyedo duguloyode tobou.

⁴⁰ Yesuḡa e ta simamōu, age namokou be, na damaleyodeibasi, Godiha nele hiyedo keme na duguloyode kou tobou.

⁴¹ Kege tobou mōu, dia igi hiye ke kogolo i. Igi kogolo imou, Yesuḡa hebenitou daladuguomōu kou gue tobou, Aye, na ma ta du kaha degeimōu, a namokou bolofej̄yodili.

⁴² A namokou diho baga tobou mōu, na ma ta dudi keme a kou tewe. Kenou si age o sasaj̄ kou le dalagua kediage ame na tobou mōu hagueidade tawamabadomōu, a namokou kuhe diho baga tobou.

43 Yesuhā kege toboū ma, hiligedo haguismoū, Lasarus, nā tamakoū feleyede tobou.

44 Yesuhā kege toboū moū, o tei ke haguama tamakoū felej. Ē dobogōuboū, ē abogōuboū ē midihoboū oloū fei yukueiye tigei keboū de felej. Yesuhā diamokoū tobou, ni yukueiye tigei ke kusiouba yōu fogoū ile.

Hiye o kediā Yesu wouba toloyodema doususulo i

(Matyu 26:1-5; Mak 14:1-2; Luk 22:1-2)

45 Kegemoū, Juda o sasaī sudo kediā Yesukoū damaleyodele i. Yobe, diā Maria dogoū guo soloū do degelamoū haguasieie dugulo ibe, Yesuhā o tei ke haguagimoū dugulo i kahā degemoū.

46 Kenoū si o ilo kediā Farisi o kediāmokoū ya fologamoū, Yesuhā degei ke toboloū i.

47 Kege toboloū imoū, mogoū du dalaguadi hiye oboū, Farisi oboū kediā kansole o oloū fei haguismoū, haguasie kefeguomoū, diōunoū tugulo toboloū i. Di kage degele? O kōumahage midihogē gehē gehē sudo miloū goluyode toboloū i.

48 Di akogu ho fogoū babe, o sasaī oloū fei kediāge eme Godihā toboū moū hagueiyodema emokoū damaleyodele ile. Kegeiba, sa Rom hiye o kediā ke duloba, die ami o toboū ba haguasie, Godihā mosoboū Juda o sasaī diboū oloū fei makolo ile.

49 Hiye o tanōu ta, e hūbe Kaiafas. Eme Yesu wei sadebe kilegenōu, mogōu du daladi hiye o degei. Ege yogo diāmokōu be, nīme ta tawale iyo meido yode tobou.

50 Sa Rom o kediā haguasie, Juda o di woma mei degeiye deba, o tanōu feiye di dogōu guyadeba tolo ilebe bolo, keme nige tawale iyo mei.

51 Kaiafashā habage degele tā ke toboube, e yoū e fimaiyenōu tobōu li mei. Eme Yesu wei sadebe kilegenōu, mogōu du daladi hiye o degei kaha, ege Yesuha Juda o sasai dogōu gulaba tolo ileyodema kuhe tobou.

52 Haba, Juda o sasai kediānōu mei, Yesuha teibe, Godihā sisigo sa tanōu tanōu dalagua olōu fei kefeguo sosōu tanōu fei degeleyodema kuhe tolo i.

53 Kaiafashā kege tobōu mōu kelegenōu, Juda o kediā Yesu wouba toloyodema, dioūnōu amafei tugulo tobolōu i.

54 Kegeimōu, Yesube o sasai kediā dihile keleya sieli mei. Sa ke tōu fogōu mōu, sa ta, hebe mei mihinōu sa hafei dege dala kokōu fogōu i. Sa kaha hūbe Efraimyodele idi. E e dabi degedi o kediābōu de sa kokōu delei.

55 Juda o kediā Gabama I Sawisiei ke hafei degeimōu, o sasai sudo die sa tōu fofōu guema, sa Jerusalemkōu yai. Gabama I Sawisiei kelege, Godihā dihile kokōu bologuado dalagualeyodema dioū die tou bigile ilamōu yai.

⁵⁶ Fologamoū, diā Godihā mosō kekaimidu fologa kefema, diōusie yoduga i, nī kage fimā iya? Ē di kefegulu kuokoū be de haguale sagaī, haba haguale sagaī mei? de yoduga i.

⁵⁷ Kenoū si, mogoū du dalaguadi hiye oboū, Farisi oboū kediā tā koū gue toboloū i, o koyo nā Yesuhā dala kē tawaibabe, nā hagua eimokoū toboū ba, ei ē toloū ba didiō degele ileyode toboū ma deleigui.

12

Mariahā huei hōbōu kē Yesuhā abogōukōu sōu gu

(Matyu 26:6-13; Mak 14:3-9)

¹ Gabama I Sawisiei kē hagua hafei degeimoū, sawisiei walaiyosi kegenoū dalamoū, Yesube sa Betanikoū ile felei. Sa keme o Lasarushā sa, o tolo imoū, Yesuhā haguagimoū gehē degei o kahā sa.

² Sa kokoū be, diame Yesukoū hohoboloū moū nalē kefeguo nalā i. Martabe nalē fimoū, Lasarusne o Yesuboū de nalē nalā ili kediāboū de duwei.

³ Kegemoū, Mariahā hōbōu huei dou bolodo kē toloū felei. Huei hōbōu keme bolofeido, di tawaga toboloū sagaī mei, afu sele hiyedoye mamoū. Ē Yesuhā abogōu tagetoū huei hōbōu kē oloū fei sōu guomoū, yōu ē widio towe sasado kahā togueimoū, o sasaī mosodu duwogua kediā hō bolodo kē dulo i.

⁴ Kenōu si, Yesuhā dabai degedi o ta, Judas Iskariot, habage Yesu tolōu ba ho o kediamokōu sesegulo o kaha huei hōbōu bolodo ke sōu gumōu duguomōu e dafamōu tobou,

⁵ di makisi degemaba, sele 300 kege malāba, bi mei o kediamokōu nelī debabe bolō.

⁶ Judas ege bi mei o sasai kediamokōu ta solōu do degemōu tobōu li mei. Eme Yesubōu dia sele sai dia daladi oye, kenōu si sele sa imōu be, e ilo kele hiyouye nadi.

⁷ Kegemōu, Yesuhā Judaskōu tobou, sasai kuokōu gofoū degeda. E huei hōbōu dou ke yoū kege dogoguo dalali, habage a toubā widalaba mā tōu guebōu sōu guloyode tobou.

⁸ O bi mei o kediamē nībōu de hiyedo dalaguale. Anōu si nībōu de hiyedo dalale mei, ame toto fogōu ile.

Mogōu du daladi hiye o kedia Lasarus wouba toloyode tobolōu i

⁹ Juda o sūdo kediaḡe Yesube sa Betanikōu dalayode tobolōu imōu dulomōu, Yesubōu, haba o kōu teiye Yesuhā haguāgi o Lasarusbōu de dugulamōu haguasiei.

¹⁰ Kegei kaha degemōu, mogōu du daladi hiye o kediaḡe Lasarus ene wouba toloyode tobolōu i.

¹¹ Yobe, Yesuhā Lasarus tei haguāgimōu, Juda o sasai sūdo kediaḡe mogōu du dalaguadi hiye o

kediā ta dulo idi ke tōu fogōu mōu, Yesukōu damaleyodele i kaha degeimōu.

Yesuha sa Jerusalemkōu feleibe, gamani hiye onōu tefele felei

(Matyu 21:1-11; Mak 11:1-11; Luk 19:28-40)

¹² Gabama I Sawisiei ke hafei degei kaha degeimōu, o sasai sudo sa Jerusalemkōu ya fologa kefeguo tiei sabiyei dalaguali dube, Yesube sa Jerusalemkōu haguluyode tobolōu imōu dulo i.

¹³ Dulomōu ya, fagai guo sagai ke diafigima tōu mamōu, Yesu gelegulamōu aba yai. Yolugi hiligedo kōu gue totobōu mōu yai,

Di hohobōu me.

Hiye Ohā huya ke hagulu o keme Godiha dogōu guyedeibasi. *Buk Song 118:26*

Eme Israel o sasai di Hiye O.

¹⁴ Kegemōu, o tae wai dōki ta wolōu hagumōu, Yesuha kotōu folo bilomōu i. Wai dōki tagetōu bilomōu i keme Godiha kuguokōu kōu gue nalai dala,

¹⁵ Sa Saion* tie o sasai ni hobōu gue degedama. Duguma, ni Hiye Obe wai dōki wili kaha tagetōu folomōu haguluyode tobou. *Sekaraia 9:9*

¹⁶ Kenōu si, Yesuha e dabal degedi o kediage eme wai dōki tagetōu folo duwomōu duguomōu be, diage kaha sibigebe ta tawale ili mei. Habage, Godiha Yesu e hu damaledo ke solo umōu hebele

* **12:15 12:15** Sa Saion keme sa Jerusalem.

fogumōu, kelegesi diage oe kuguokōu habage tamā degele ke nalagai keme Yesukōu kege kuhe tamā degeidade tawale i.

¹⁷ O sasai sudo Yesubōu de dalaguali, e Lasarus tei widai kokōu ile, haguismōu, tei haguagimōu, tamakōu felejimōu dugulo i o sasai kedia tā ke totbodyōu mōu suluguei.

¹⁸ O sasai sudo kedia midihō gehe, Yesuha milou kaha tā ke dulo i kaha degemōu, dia e gelegulamōu yai.

¹⁹ O sasai kedia Yesu alikōu ge gelegulo imōu, Farisi o kedia dio□unōu tobolōu i, dugume, di degelamōu degeli keme di ta degele sagai mei. O sasai olōu feibe enōu sesele yolu.

Sa Grik o ilo kediane haguasie, Yesu dugulamōu degele i

²⁰ Gabama I Sawisie i kegefugulo i kelebe, sa Grik o ilo kediane haguasie, Godikōu diho бага totbodyōu lamōu degele i.

²¹ Haguasie felegamōu, Filipkōu yai. Filipbe sa Galili duo kodu o, e sabe Betsaida. Sa Grik o kedia ya, Filipkōu fologamōu, hiye o, eibe Yesu dugulamōu yode totbodyōu i.

²² Kege yodulo imōu, Filipha ile, Andru totbodyōu ma, dilie ya, Yesukōu totbodyōu i.

²³ Yesuha diliemokōu be, sawisie Godiha makai keme hafei degei. O Kedia Dihi e hu damaledo keme Godiha solo□uba hebele foguloyode totbodyōu.

24 A n̄imokōu damaḷedo tobolōu kuḡe, naḷe hou mih̄ikōu fiya, mih̄i kolo dulemōu tabali mei debabe, naḷe hou keme tanōu fēinōu kege dalale, ta s̄udo degele mei. Naḷe hou fiyaba, mih̄i kolo dulemōu tabaibasi, naḷe hou kaḡe foloba, haba hou s̄udo degele.

25 O koyoh̄a yōu e fi kenōu tagaibabe, e fi keme mei degeiba tolo ile. Haba o koyoh̄a sa sibige kuokōu tofolōu ke dafoubabe, eme e fi ke tolōu ba, tofousogo tofousogo tofolōu.

26 O koyo n̄a m̄a dabai degeibabe, n̄ame m̄a habage sesele i. A dala kokōu be, m̄a dabai degedi one dalale. M̄a Ayeh̄a m̄a dabai degedi o kaḡa ḡube hebele fogulo.

O Kedīa Dihih̄a e tolo ile ke tobou

27 Yesuh̄a haba kōu gue tobou, āme hagi hiyedo dugulu keme. Aḡe kēiyode tobolōu? Aye, naḡe hagi amokōu hagualadi keme n̄a akogulobe de bolofei? Kege mei, keme bolō mei. M̄a Ayeh̄a āme hagua, hagi kōu gue duguyede tobōu mōu, a kuhe haguei.

28 Aye, naḡe ne neḷe hiyedo ke hegiba, o sasai kedīa ne ḡu hebele foguyede tobou. Yesuh̄a kege tobōu mōu, tā uwo ta hebenitōu ge kōu gue tobou, a kōu hegi ke, haba tage hegileyode tobōu mōu dulo i.

29 O sasai kele tefeleguei kedīa tā uwo ke dulomōu, keme dibieye tolyode tobolōu i. Ilo kelege tobolōu ibe, esol o taḡa ebōu de tā koluyode tobolōu i.

³⁰ Kegemōu, Yesuhage, ta uwo keme a dogou gulamou tobou yo mei. Ni dogou gulamou tobolou yode tobou.

³¹ Ifibe Godiha sa sibige o sasai kedia midiho bolobou midiho kasagibou ke file aso diho. Ifibe sa sibige kaha hiye one Godiha igile mugulo.

³² Ame ifi sa sibige kuokou dala, kenou si o kedia a hebele fogulo ibabe, a degeiye, o sasai olou fei amokou haguasile.

³³ E kege tobou kaha e sibigebe, e do hiyedo duguoba tolo ile kokou ma tobou.

³⁴ Kegemou, o sasai kedia tobolou i, Mosesha kuolou ta kuguo kokou toboube, Godiha makai o Kelesube haguaba yoku kegenou dalaleyode tobou dulo idi. Kenou si na tobolou be, O Kedia Dihi eme o kedia hebele fogulo ileyodili,* nage kageimou kege tobou ya? O Kedia Dihi eme koyo? de yodulo i.

³⁵ Kegemou, Yesuha diamokou tobou, hohobe nibou de huyadefeinou dalale. Hoho dala kou bou gebe nime hohoya kenou suluguama, kegeligi hulia kaha hagua ni goguye. O koyoha huliam subabe, eme e ili keme ta tawalemou iyo mei.

³⁶ Hoho kou dala kou bou gebe, ni hoho kokou damaleyodebasi, nime hoho kaha binou degele.

Juda o sasai sudo Yesukou damaleyodele ili mei

* **12:34 12:34** Hebele fogulo ile kaha sibigebe hebe fufuguomaitou hebele fogulo ile.

Yesuhā kege tobōu ma mei degeimōu, ẹ o sasai tōu fogōu, ile amafej mogogou.

³⁷ O sasai dihiḷe kokōu ẹ midiho gehe gehe sudo kōu milōu gadiye, kenōu si ẹme damaledo Godihā tobōu mōu hagueidade tawale ili mei.

³⁸ Keme kōu gue, Godihā tā, habage-degeleduguo-tobōu di-o Aisaiahā nalai keme damaledo tamā degeli. Yobe, Aisaiahā kōu gue tobou, Hiye O, o koyohage egei ei tobōu di ke dulomōu damaleyode iya?

Haba o koyohage Hiye Ohā dabai hiyedo ifi degeli sagai kegei ke degemōu dugulou? Kegli mei, o tae ta duguo tawaiyo mei.

Aisaia 53:1

³⁹ Diā Yesukōu ta damaleyodele ili mei. Kegei keme Aisaiahā haba kōu gue nalai,

⁴⁰ Godihā degeiye, diame diho du degei, die fiḷe hiligido dalagua. Kegli, die dihoḷe duguo, sibige tawaleba, fi bohōlōu amokōu haguasieiba, a bologuḷba, bolō degele iye domōu.

Aisaia 6:10

⁴¹ Aisaiahā kege tobou keme, ẹ mōu yoḷuwa tobōu li mei. Ẹ Yesu migili mei kelege, Yesuhā neḷbōu hohōbōu ke kōu duguomōu tobou.

⁴² Kansole o sudo kediane Yesukōu kōu damaleyodele iye, kenōu si diā Farisi o kediamokōu gue degemōu, ta tamā dege tobolōu ili mei. Yobe, Farisi o kediage, o koyohā Yesukōu damaleyodeibabe, o keme egei mosokōu folodayede tobolōu i kahā degeimōu.

43 Yesukōu damaleyodele i kansole kediage obe die hu hebele fogulo kenou tagale idi. Haba Godiha die hu hebele fogulo keme ta tagale idiyo mei.

Ta Yesuha tobou di kahage o sasai fileba, midihō dioŋu milou ga idi kahā hebe kenou nemou ile

44 Kegemou, Yesuha hiligedo kou gue tobou, o taha amokou damaleyodeibabe, eme amokou nou damaleyodeiyo mei, o e a tobou mou haguei o kokou ne damaleyodili.

45 Amokou damaleyodei o kaha a dugulu keme, ege o e a tobou mou haguei o kene dugulu.

46 A sa sibige kuokou hagueibe, hohō sa degeiye haguei. O koyoha amokou damaleyodei keme, eme huliā kokou ta dalale mei.

47 O koyoha ma ta duloba, sese ho fogou babe, age eme ta ta sale mei. Yobe, a hagueibe, sa sibige o sasai ta salamou hagueli mei. A hagueibe, sa sibige o sasai mamou lamou haguei.

48 O koyoha a tobekou muguoba, ma tane mou dulo fogou babe, eme uwage sawisieie kelege hebe kasagai ke moloŋu. Ta a hehegie tobou di kahage, eme ta sale.

49 Yobe, a mayoŋu ma tagaiya ke tobou diyo mei. Aye Godi e a tobou mou haguei o kaha amokou na ma ta ke o sasai kediamokou tobou yede tobou mou, a kuhe tobou di.

⁵⁰ A tewe, o sasai koyoha Godiha ta dubabe, eme fi tofousogo tofousogo tofolou ke molo[u]. Ta olou fei a hehegie tobou di keme Aye Godi yo[u] amokou tobou sagai kenou tobou di.

**Yesuha e dabai degedi o
kediakou, ame ni tou fogou,
ma Ayekou boholou ma ilamou
yode tobou**

(Ta Hiye 13-17)

13

Yesuha e dabai degedi o kedia abogu[u] bigi

¹ Gabama I Sawisieie ke hafei degeimou, Yesuhage eme sa sibige ko[u] tou fogou, e Aye Godikou fogou faladidade tawai. E yo[u] e o sasai sa sibige kuokou dalagua kediakou solou do degemou dalali, e kuhe fogou i.

² Hulia degeladi kelege, Yesubou dia nale nala duweguei. Tamahage Saimonha e dihi Judas Iskariotkou be, Yesu tolou ba ho o kediakou seseguyadomou fimaiabe agalikou kou nei.

³ Yesuha tawai, Aye Godihage bi olou fei keme e dobogu[u] tagetou dogogu daladade tawai. Eme Godikou ge hagua dalali, haba Godi yo[umakou] boholou ma iladidade tawai.

⁴ Kegemou, Yesu e nale naj hiyafogou mou, hagua, e yukuei sasado ke telemamou, towole mala silema kai.

⁵ Towole silēma kamōu, dilise ta malā kokōu huei sōu guomōu, e dabai degedi o kedia abogoŋu ke bigima, towole silēma kai kaha toguema dega iligi,

⁶ Saimon Pitaha abogoŋu bigilamōu degeimōu, ege Hiye O, name ma abogoŋu bigilamōu degeli? de yodu.

⁷ Kegeimōu, Yesuhage ifi a degeli keme na ta tawaiyo mei, habagesi na tawaleyode tobou.

⁸ Kenou si Pitahage ma abogoŋube bigidayede tobou. Kegeimōu, Yesuhage a ne abogoŋu bigi ho fogou babe, name abou de dalale meiyode tobou.

⁹ Pitaha tobou, Hiye O, kegeibabe, ma abogoŋunou bigima fogou da, ma dobogoŋubou, ma widiobou kene olou feido bigiyede tobou.

¹⁰ Yesuha e ta simamōu, ta makai kou gue tobou, o to toma mei degei keme sibigi ta dala mei. E abogoŋunou bigibabe keme bolō. Nime to toma mei degei, sibigi ta dala mei. Kenou si ni o tabe kege ta degeli mei.

¹¹ E tobou kaha yobe kou gue, o kahage eme ho o kedia mokou seseguloyode tawai. Kegei kaha degemōu, ege ni o tabe sibigibou dalayode kuhe tobou.

¹² Die abogoŋu bigima mei degeimōu, e yukuei sasado dile mai ke malā kamōu, e yoŋu duwodi kokou bilo fiya duwolige, diamokou, a koŋu degeli kaha sibige keme ni de tawali? de yodu.

¹³ Ni amokou tobolou idibe, Tisayo, haba Hiye Oyodele idi. Ni amokou Tisayo, Hiye Oyodele idi

keme doūdo toboloū idi.

¹⁴ Damaledo, ame ni Hiye O, ni Tisa a ni abogōu bigi kaha degeimoū, n̄ine n̄iou sie yogoha abogōu bigiba bigiba dema.

¹⁵ A ifi midihō bolō n̄imokoū hegi keme n̄ine kenoū tefele degemoū ima.

¹⁶ A n̄imokoū damaledo toboloū kuhe, dabai degedi oyene, e hiye obe gabama feli mei. O taha o ta toboū ba ile, sa takoū dabai degeibabe, emokoū dabai nei o keme dabai o kahage ta gaba feli mei.

¹⁷ Midihō a n̄imokoū hegi kaha sibige keme ni koū tawale i. Ni defeido seseibabe, n̄ime hohoboū ma.

¹⁸ Age ni oloū feido toboū yo mei. O a makama fogou kediamē a tewe. Kenoū si Godiha kuguokoū nalaj dala keme damaledo tama degele. Ta keme koū gue,

Ni o ta aboū de oū nala duwo kahage ma widiletoū e abogōutiye tofougoū ba makolo.

Buk Song 41:9

¹⁹ Ke tama degeli mei, you kelege, a n̄imokoū toboloū kuhe. Habage a toboloū ke tama degeibabe, n̄ige duguoba, ame Yōu Kegenoū Daladi Odade tawale ile.

²⁰ A n̄imokoū damaledo toboloū kuhe, o koyoha o a e toboū moū haguei o ke duguo hohō degeibabe, eme amokoū hohō degeli. O koyoha amokoū hohō degeibabe, eme o e a toboū moū haguei o kokoū hohō degeli.

*Judasha Yesube ho o kediamokou sesegulo
(Matyu 26:20-25; Mak 14:17-21; Luk 22:21-23)*

²¹ Yesuha kege tobou mamou, hagi hiyedo degeimou tobou, a nimokou damaledo tobolou kuhe. Ni o tahage ame ho o kediamokou sesegulo.

²² Kege tobou mou, e dabai degedi o kedia dio[usie masele i. Diage o keme kehede ta tawale ili mei.

²³ Die o tabe, Yesuha e mogodo,* e me Yesu hafei dege duwei.

²⁴ O e mogo hafei dege duwo kokou, Saimon Pitaha widioyenou hegiemou, o koyo deba nage yoduyedei.

²⁵ E boholou mou Yesuha kihiyodu, nage o koyo tobou ya? de amafei yodu.

²⁶ Yesuha tobou, a ou si nale si huei melekidu muguoba, o a tobolou kokou neleyode tobou ma, e ou si nale si hueikou muguomou, Saimon Iskariotha dihi Judaskou nei.

²⁷ Judasha ou si ke mala noumou, Tamaha e duledu foloumou, Yesuha emokou tobou, na degeladi keme totodo degeyede tobou.

²⁸ E kege tobou mou o kedia kou dulo iye, kenou si diage Yesuha emokou ta ke tobou kaha sibige keme ta tawale ili mei.

²⁹ Judasbe sele sai dia daladi o kaha degeimou, o ilo kediae Yesuha emokou Gabama I Sawisiei

* **13:23 13:23** Yesuha e mogodobe Jon, e kuguo kou[u nalai.

kelege nale nale mamou uyadomou tobolou, haba bi mei o kediamokou sele neyadomou tobolou de tawale i.

³⁰ Judasha ou si ke mala nama mei degeimou, e mihikou fogou mumou, sa huliga degei.

Yesuha e dabai degedi o kediamokou egei gehe hehegiei

³¹ Judas fogou imou, Yesuha tobou, ifi kou bou gebe O Kedia Dihi e hu damaledo keme solo uba hebele fogulo iladi. E Godiha nele hiyedo ke hehegile kaha degeimou, o sasai kedia e Ayeha hune hebele fogulo ile.

³² Godiha e Dihiga degeiye, dia Godiha hu damaledo ke solo uba hebele fogulo ibabe, ene e Dihiga hu hebele fogulo. E Dihiga hube totonou do hebele fogulo.

³³ Ma sisigo diama, a nibou de huyadefeinou dalale. A fogou ibabe, ni a hiyedo ka ile. A Juda o kediamokou tobou sagai kenou haba nimokou ne tobolou kuhe, a ili sa kokou be nige ta haguale sagai mei.

³⁴ A egei gehe ni dumabeede kou gue tobolou, ni o yogokou solou do degema. A nimokou solou do degei sagai kenou tefele nine niou sie yogokou solou do degeiba solou do degeiba dema.

³⁵ Ni mogo degenou dalababe, o sasai kedia ke duguoba, nime ma dabai degedi odade tawale ile.

Yesuhā kōu gue tobou, Pitahā ame tobekōu muguloyode tobou

(Matyu 26:31-35; Mak 14:27-31; Luk 22:31-34)

³⁶ Saimon Pitahā Yesukōu kōu gue yodu, Hiye O, nāme kiliya ile? Yesuhā tobou, a ile kokōu be, nā toto sesele ile sagai mei, habagesi nā mā habage hagualeyode tobou.

³⁷ Pitahā emokōu yodu, Hiye O, ifibe kageimōu a nā sesele sagai meiyode tobōu ya? A nā dogōu guba, o kedia abōu de wolone tabōu meiyode tobou.

³⁸ Kegemōu, Yesuhā emokōu yodu, nage a dogōu guba dia nane wolone tabōu meiyodili dale? A namokōu damaledo tobolōu kuhe, sio ayomōu tali mei dalaba, nage kamadia kege a Yesu tewe meiyode tobolōu.

14

Yesu eme Aye Godikōu idi a

¹ Yesuhā haba kōu gue tobou, ni hobōu hagi degedama. Godikōu damaleyodemaba, amokōu ne damaleyodema.

² Mā Ayeḥā mosodube fōu gou moso sudo dala. Kegemōu, ame ni timōu milōu ga ili. Kegei ta dala mei debabe, a nimokōu ta kege ta tobōu yo mei.

³ A abukōu ile folo, ni timōu bologua milōu ma mei degeiba, haba boholōu mā migile, ni wōu ma foloba, nīne a dala kokōu dalaguale.

⁴ Sa a iladi kokōu idi abe ni kōu tewe degele i.

5 Kegemōu, Tomasha tobou, Hiye O, sa na ile keme ei ta tewe mei. Sa kokou idi a keme ei kage tawale? de yodu.

6 Yesuha tobou, ame a, ame damaledo ta kaha yo, haba ame fi gehe nedi o. Aye Godikou yale abe ta dala mei. Godikou yale abe tanou fei, anou.

7 Nige ame tawai debabe, ma Ayene nige tewe degele i. Ifi kou bou gesi nige eme tawale ili, nige eme kou dugulo i kaha degemou.

8 Kegemou, Filipha tobou, Hiye O, nage Aye Godi eimokou hegibabe, kage eibe tefele fogou.

9 Yesuha tobou, ame afudo hagua, nibou de deleibe, kegenou dala keme, Filip nage ame kageimou tewe meiyodeiya? O koyoha a dugu debabe, ege ma Ayene dugu. Nage Aye Godibe eimokou kageimou hegyede tobou ya?

10 Ame Aye Godibou de dogou guo dala, haba ene abou de dogou guo dala keme nage kageimou damaleyodeiyo mei? Ta a nimokou tobolou keme mayou ma ta mei. Aye Godi, abou de dogou guo dala kaha, you e dabai degeli.

11 A nimokou ame Aye Godibou de dogou guo dalamou, haba ene abou de dogou guo dalayode tobolou kokou ni damaleyodema. Haba, ma ta toto damaleyode ho fogou babe, midihogehe gehe a milou golu ke duguoba, kokou ge ni kuhe damaleyodema.

12 A n̄imokōu damalēdo tobolōu kuḥe, o sasai koyoha amokōu damaleyodeibabe, ene dabai a degedi sagai kenōu tefele degele. Dabai e degele kahage a degei keme gabama folodo degele. Yobe, ame Aye Godikōu ili kaha degeimōu.

13 Ni ma huya ke diho бага amokōu yodubabe, age ni yodulu keme degele. Kegeiba, Aye Godiha hu damalēdo keme e Dihiha degeiye, o sasai kedia soloṽuba hebele fogulo ile.

14 Bi olōu feido ni ma huya ke amokōu diho бага yodubabe, ni tagali keme, a milōu gale.

Yesuha Duo Bolofei tobou ba migileyode tobou

15 Yesuha haba kou gue tobou, ni a tagaibabe, ta a tobolōu keme ni defeido sesele yale.

16 A Aye Godikōu yoduba, ege ni dogōu gulo o ta tobou ba migile. O keme nibou de dolodo kegenou dalale.

17 Nibou de dogou guo dalale obe Duo Bolofei, ege n̄imokōu damalēdo Godi ke hehegile. Sa sibige o sasai kediage eme migiba tolou ile sagai mei, yobe eme duguo tawale sagai mei kaha degemou. Kenou si nige eme kou tewe, e nibou de dala, haba hagua, ni duledu dalale.

18 A ni tou fogou ba, nime gube dihi dege dalaguale mei. Ame haba n̄imokōu boholou ma haguale.

19 Huyadefei dala demaba, sa sibige o sasai kediage ame ta dugulo ile mei. Ninou si a dugulo,

ame haba gehe degele kaha degeimou, nine gehe dege tafalaguale.

²⁰ Sawisiei kelegebe, ni tawalebe, ame ma Ayebou de dalamou, nine abou de dalamou, haba ame nibou de dalamou dilidade tawale ile.

²¹ O koyoha ma ta defeido dulo sesele ibabe, ege ame tagaido. O a tagali keme ma Ayehane eme tagali. Ane e tagaiba, a mayo[usie emokou tama degele.

²² Kegemou, Judas ta, eme Iskariot mei, kaha Yesukou yodu, Hiye O, na eimokou tama degele kelegebe, haba sa sibige o sasai kediamokou be kageimou tama degele meiyode tobou ya?

²³ Yesuha tobou, o koyoha a tagaibabe, ege ta a hehegieili keme defeido sesele. Ma Ayeha e tagaiba, ele emokou hagua, ebou de tofousogo kegenou dalaguale.

²⁴ O koyoha a taga ho fogou babe, eme egei a hehegiedi keme ta dudiyo mei. Ta a tobolou ko[ume mayo[u ma ta mei, o e a tobou mou haguei o kaha ta.

²⁵ A nibou de dalali, nimokou olou fei ke tobolou kehe.

²⁶ Kenou si, nibou de dogou guo dalale o ta, Aye Godiha ma huya ke tobou ba haguale keme Duo Bolofei. Ege haguaba, nimokou egei a kou hehegiei ke olou fei haba hehegie tobolou. E degeiye, afu a nimokou hehegieimou kou dulo iye haba totou degele i olou feibe ni haba tawale ile.

27 A nī tōu fogōu fogōu ilamōu, nīmokōu fī hemele fiyadi ke nībōu de dalayadomōu nīmokōu neli. A fī hemele fiyadi ke nelibe, sa sibige o sasai kedia nedi sagai kegei mei. Nī hagi degeba, fī hiyedo maba, guē degedama.

28 Nige a nī tōu fogōu fogōu ileba, haba nīmokōu boholōu mā hagualeyode tobōu mōu kōu dulo i. Nī a tagale i debabe, nīme hoho degele ile, ame Aye Godikōu ili kaha degeimōu. Yobe ame hiye o mei, Aye Godinōu si hiye o folodo.

29 A you ile dala kelege nīmokōu kōu tobou kehe. Habage, a fogōu ibabe, nī damaleyodele ile.

30 Mā tabe sasado dege ta tobolōu mei, yobe sa sibige hiye o keme hagulu kaha degeimōu. O kaha ame tolōu sagai meiyē,

31 kenōu si sa sibige o sasai kedige a mā Ayebe tagai hiyedo kaha, age e tobolōu kenōu dulo milōu gadidade tawamabadomōu. Nī haguama, di ime.

15

Yesu eme hebe bolodo

1 Yesuha haba tā makai kōu gue tobou, ame hebe bolodo, hebe haimikōu tafala. Mā Aye eme hebe hai obōu.

2 Hebe go, sibige mādiyo mei keme mā Ayeha diafigima hebesedi. Hebe go sibige mādi keme

huyadefei kasagai degei ta dugumou be bologuama fogou di, sibige hiyedo mayadomou.

³ Ta a nimokou tobou di kahage, nime hebe go bologuoumou bolu degele i kenou tefei dalagua.

⁴ Ni abou de dogou guo dalaba, ane nibou de dogou guo dalale. Hebe gobe yonou dalamou be, sibige madiyo mei. Hebe gobe yonou e tou guebou asou gie dalamou si, sibige madi. Nebe kenou tefei, nime amokou asou gie dala mei debabe, ni sibige ta ma ile mei. Amokou asou gie dalabasi, ni sibige ma ile.

⁵ Ame hebe tou, nime hebe go. O koyo na, abou de dogou guo dalaba, ane nabou de dogou guo dalaba debabe, na sibige hiyedo male. Na a tou fogou, nesofei dalababe, na sibige ta male mei.

⁶ O ta abou de dogou guo dala ho fogou babe, o keme hebe gonou tefei, o tae diafolou muguba fafagale fiyale. Kegele i keme, monuma, doulukou hebesoumou, douye wobolou fiyadi.

⁷ Ni abou de dogou guo dalaba, ma tane nibou de dalababe, ni bi ta tagaiba amokou yodubabe, age ni yodulu keme nele.

⁸ Ni sibige hiyedo mouba, o sasai kedia nime ma dabai degele idi odade tawale ibabe, ma Ayeha hu damaledo ke dia soloouba hebele fogulo ile.

⁹ Aye Godiha amokou hoho degedi sagai kenou tefele ane nimokou hoho degedi. Ni abou de dalababe, di mogo dege dalame.

10 A ma Ayeha na duyedei ke dulo seseimou, ele mogo degenou daladi. Nebe kenou tefei, nina a ni dumabeedei ke dulo seseibabe, di mogo dege dalaguale.

11 A nimokou ke tobolou kaha yobe kou gue, a hoho degedi sagai nina kenou tefele hoho degemabdomou tobolou. Kegeibasi, hoho ni dugulo keme hiyedo, ni duledu amamale.

12 A ni dulo kou gue tobolou kuhe. A nimokou solou do degedi sagai kenou tefele nina niou sie yogokou solou do degeiba solou do degeiba dema.

13 O taha e mogo diamokou solou do dege dogou guba, o tae e wouba tolo ilebe tabou mei. O kamaha e solou do degedi midihog kahage solou do degedi midihog ilo keme gabama folodo dala.

14 Ni a tobou ke dulo seseibabe, nime ma mogo dia.

15 Ifi kou bou gebe age nime dabai degedi oyode tobolou mei. Yobe, dabai degedi oege dabai nedi o kaha degedi olou fei keme tewe mei kaha degeimou. Ma Ayeha amokou hehegiei olou fei keme a nimokou kou hehegiei kaha degemou, age nime ma mogo dianou yode tobou.

16 Nige ame ni bi degeleyodema makali mei. Ninou si kolo mamabdomou, age nime ma bi degeleyodema makai. Kolo ni ma ile keme tabale mei, yonu kegenou dalale. Kegeiba, ni ma huya ke Aye Godikou dihog baga tobou babe, ege ni yodulu keme nimokou nele.

17 A ñi dulo kôu gue tobolôu kuhe. Nî ñiôu sie yogokôu solôu do degeiba solôu do degeiba dema.

Sa sibige o sasai kedia Yesuha e dabai degedi o kediâmokou dafa ile

18 Yesuha haba kôu gue tobou, sa sibige o kedia ñimokou dafa ibabe, totou degedama, amokou dafa i sagai kenou tefele ñimokou ne dafa ilidade tawama.

19 Nîme sa sibige o sasai sagai dalagua debabe, diage ñibou de mogonou dala. Kenou si nîme dia sagai dala mei. A ñi makamoumou, ñi sa sibige o sasai kedia tou fogou, amokou haguasiei kaha degeimou, diage ñimokou kuhe dafa ili.

20 A ñimokou kôu gue tobou keme, ñi defeido tawama, dabai degedi oyene, e hiye obe gabama feli mei.*

O a makolo i kediage ñine makolo ile. Haba ma ta dulo i kediage ñi tane dulo ile.

21 Nî amokou damaleyodele i kaha degeimou, dia ñimokou bou basiado degele ile. Yobe, o e a tobou mou haguei o keme dia tewe mei kaha degemou.

22 A hagua o kediâmokou tobou li mei debabe, o sasai kedia midihô kasagai milou gadi kaha hebe ke ta molo[u]u dala mei. Kenou si a hagua, egei hehegiei kaha degeimou, dia midihô kasagai milou gadi kaha hebe keme tou fogolou sagai mei.

* 15:20 15:20 Jon 13:16

23 O koyohā ā dafolu keme, eme mā Ayene dafolu.

24 Ā o sasaī dihīle kokoū dabai, o tae ta degeli mei ke degemoū ili mei debabe, o sasaī oloū fei midihō kasagaī kahā hebe ta moloꞑū dalayodili mei. Kenoū si diā midihō gehē gehē ā miloū gadi ke koū dugulo idiye, haba mā Ayeboū elemokoū dafa idi kahā degemoū, diā midihō kasagaī kahā hebe ke malā ile dala.

25 Midihō diā miloū ga i keme die kuoloū tae koū gue tobou kenoū tefele degele idi.

Diā amokoū be moū dafa i. *Buk Song 35:19*

26 Duo Bolofeī, niboū de dogoū guo dalale o eme Aye Godiboū de dala. Ā ē toboū ba hagua, damaledo Godibe nimokoū hehegiemoū ile. Eme mā Aye Godikoū ge haguaba, nimokoū mā midihoboū ā degediboū oloū fei ke hehegiele.

27 Nīne o sasaī kediamokoū ā degedi ke hehegie toboū ma. Yobe, nīme aboū de yoma dabai degemoū haguabe demoū, ifine kegenoū dala kahā degemoū.

16

1 Yesuhā haba koū gue tobou, tā oloū fei ā nimokoū koꞑū hehegieibe, ni damaleyodei ke toū fogouye domoū kuhe tobou.

2 Hiye o kediā nīme egei mosokoū folodamabeede akogulo ile. Haba sawisiē ta kelege, o iloye ni wouba tofigieiba, diage keme Godihā dabai bolodo degeliyade tawale ile.

3 Diā midihō kegei kē degele ile kaha yobe, diame Aye Godibou abou debe defei ta tawale iyo mei kaha.

4 A koŋu tobolou kaha yobe, habage ni hagi olou fei koŋu duguba, egei a nimokou tobou koŋu tawamabodomou kuhe tobolou.

Yesuha, Duo Bolofihā dabai degele kē tobou

Yesuha haba kou gue tobou, afuge ta koŋume age nimokou tobou li mei, yobe ame nibou de delei kaha.

5 Ame o a tobou mou haguei kokou boholou ma ilamou. Kenou si, ni o taha amokou, name kiliya iya? de ta yodulo iyo mei.

6 A ta koŋu tobolou kahage ni hagi hiyedo degeli.

7 A nimokou damaledo tobolou kuhe. Ame ni dogou gulamou fogou iladi. A ni tou fogou fogou i ho fogou babe, ni dogou guo dalale obe nimokou haguale mei. A ibasi, a tobou ba, e nimokou haguale.

8 E migileba, sa sibige o sasai kediamokou, midihō kasagai kaha sibigebou, midihō bolodo kaha sibigebou, Godiha ta sale kaha sibigebou olou fei kē hehegieiba, dia defeido tawale ile.

9 Midihō kasagai kaha sibigebē, o sasai kedia amokou damaleyodele iyo mei kē.

10 Midiḥo bolodo kaha sibigebe, a Aye Godikou ibabe, ni a haba ta dugulo mei.*

11 Godiha ta sale kaha sibigebe, sa sibige kaha hiye o eme ta saiye tolou yode tobou.*

12 A nimokou ta hiyedo kou tobolou dalaye, kenou si ni toto dulo tawale mei.

13 Duo Bolofei e hagubasi, ege Godiha ta damaledo kenou hehegile. E yo[u] e ta ta tobolou mei. Godiha tobou mou du sagai kenou tobolou. Ege nimokou habage degele kenou hehegile.

14 E nimokou ma ta kenou mala hehegieiba, ma hubou ma nelebou hiyedo degele.

15 Aye Godiha bi olou feibe ma binou kaha degeimou, a nimokou kou gue kuhe tobou, Duo Bolofeihage ma tanou malaba nimokou hehegieleyodei.

Hagi duguo mei degeiba, haba hohobolou ile

16 Yesuha haba kou gue tobou, huyadefei dala demababe, ni a dugulo mei. Haba habage huyadefei dala demaba, ni a dugulo ile.

17 E dabai degedi o ilo kedia dio[usie] kou gue yoduga i, e huyadefei dala demababe, ni a dugulo mei. Haba huyadefei dala demaba, ni a

* **16:10 16:10** Juda o kediage Yesube midiho kasagai milou di oyade tawale i. Kenou si Godiha e hebenitou mala felei kaha hegibe, eme midiho bolodo milou di oyodei. * **16:11 16:11** Yesu e hebe fufuguomai[kou] tolo i kelegebe, o sasai kediage eme yo[u] e midiho kasagai kaha hebe ke molo[uyade] tawale i. Kenou si kege degeli mei. E sa sibige o sasai di dogou gulamou tolomou hagua gehē degei. Yesuha tei keme, Godiha Tamā ta sama abogo[tiye] tofougou.

duguloyode toboubou, haba tabe, yobe ame Aye Godikou ileyode toboubou kaha sibigebe kei?

¹⁸ Haba dio usie kegenou yoduga i, huyadefei dalaleyodei kaha sibigebe kei? E ta ke tobou kaha yobe di ta tewe mei.

¹⁹ Dia emokou yodulamou degele imou Yesuha tawalemou, diamokou kou gue tobou, ni a huyadefei dala demababe, ni a dugulo mei. Haba huyadefei dala demaba, ni a duguloyode tobou kaha sibigebe tawale iyo mei kaha degemou, ni amokou yodulamou degele ili.

²⁰ A nimokou damaledo tobolou kuhe, nige ma sihou gosolo ile, kenou si sa sibige oasai kediam hohobolou ile. Ni hagi duguo dalagua dema mei degeiba, ni haba hohobolou ile.

²¹ Sasaiye dihi mou lamou be, e do hiyedo dugudi. Kenou si dihi mala felemou be, e do dugu ke ta fimadiyo mei, e dihi kokou nou hohobou di.

²² Nebe kenou tefei, nine hagi duguluye, kenou si a haba ni dugubabe ni hohobolou ile. Ni ke hohobolou ile keme o tae ta igile mugulo sagai mei.

²³ Sawisie kelegebe, ni amokou ta yodulo ile mei. A nimokou damaledo tobolou kuhe, ni ma huya ma Ayekou bi ta yodubabe, bi ni yodulu keme e nimokou nele.

²⁴ Afudo tofougou haguabe demou ifine, ni ma huya bi ta yodulo idiyo mei. Ni ma huya ke yoduma, kegeibabe ni bi ke malaba hohobolou

be hiyedo folodo.

Yesu ege sa sibige kaha nele ke gabai dala

²⁵ Yesuha haba kou gue tobou, age nimokou be ta makainou tobou di. Sawisie tabe a nimokou ta makai ta tobolou mei, age nimokou ma Ayeha degelebe tamado tobolou.

²⁶ Sawisie kelegebe, ni niou nou ma huya ke Aye Godikou diho baga tobolou ile. Age nimokou be a Aye Godikou ni dogou guyedema diho baga tobolou yodeiyo mei.

²⁷ Damaledo, Aye Godihage nimokou hoho degeli, yobe ni amokou hoho degemou, ame Godibou de dalali hagueidade damaleyodele ili kaha degeimou.

²⁸ Ame Aye Godibou de dalali, sa sibige kuokou kuhe migi. Ame haba sa sibige kouu tou fogou, Aye Godikou bohoulou ma iladi.

²⁹ Kegemou, e dawai degedi o kedia emokou kou gue tobolou i, ta na ifi tobolou be, ta makai ta tobou yo mei. Na tamanou tobolou.

³⁰ Ise ei tawale ili, na olou fei kou tewe kaha, obe namokou you yoduladi keme na kou tawale dalamou habage kuhe yodudi. Kegei kaha degemou, ei name Godibou de dalali hagueidade damaleyodele ili.

³¹ Kegemou, Yesuha tobou, ise ni damaleyodele ili?

³² Ni duma, sawisie ta mei, ifi degeladi, ni a tou fogou, niou ni sabekou kusia fosigeiba, a masofei

dalale. Kenōu si, maṣofej dalale mei, ma Aye e ̄abōu de dalale.

³³ A tagalibe ni ̄abōu de dogōu guoba, himi dege dalamabadomōu, a n̄imokōu ta kōu kuhe tobolōu. Sa sibige kuokōu be, n̄ime hagi dugumōu ile, kenōu si ni neḷedo dege tafalama. Sa sibige kaḥa neḷe keme a kōu gabai dala.

17

*Yesuḥa Godiḥa e dogōu guyadomōu diḥo baḡa tobou**

¹ Yesuḥa e dabai degedi o kediamokōu ta ke hehegiema mei degeimōu, e hebenitōu daladuguomōu diḥo baḡa tobou,

Aye, sawisie i n̄a makaibe kuḥe. N̄a ne Diiḥa hu hebele fogu. Kegeiba ne Diiḥane ne hu hebele fogulo.

² Yobe, n̄a ne Diiḥokōu hu hiyedo neḷemōu migile, sa sa o sasai kediḡ die hiye o dege dalali, o sasai n̄a emokōu makai kediamokōu fi tofousogo tofousogo tofolōu ke neyadomōu.

³ Fi tofousogo tofousogo tofolōu keme kōu gue, o sasai fi geḥe ke maḡa i kediḡe name damaleḷedo Godi tanōu do, geḥe ta dala meiyode tawale ili. Yesu Kelesu, n̄a tobōu mōu haguei, ene diḡa tawale ili.

* **17: (17:0 widio ta)** Kalai ta kuguo Ta Hiye 17 kuokōu be widio taḡkamadia dala. Pisin ta kuguokōu be tanōu fei dala.

⁴ A dabai nā amokōu degeyedei ke degema mei degei kahage, ne hūbōu ne nelebōu hiyedo ke sa sibige o sasai kediamokōu hegi.

⁵ Aye, nā sa sibige koŋu milōu li mei kelegebe, a nābōu de hū hiyedo kegenōu delei. Ifi nā haba hū hiye ke amokōu neiba, a nābōu de dalale.

Yesuhā Godihā e dabai degedi o sasai, ebōu de suluguei kedia dogōu guyedema diho baga tobou

⁶ Yesuhā haba kōu gue diho baga tobou,

Age ne hūbe sa sibige o sasai nā amokōu nei kediamokōu kōu hehegiei. Diame ne o, nā amokōu neimōu, diā ne tā defeido dulo sesele i.

⁷ Ifi diā tawale ili, bi olōu feido nā amokōu nei keme namokōu genōu hagueidade tawale ili.

⁸ Tā olōu fei nā amokōu hehegiei keme a diamokōu ne hehegieimōu, diā defeido dulo damaleyodema, ame nābōu de kōu deleiye, nā tobōu mōu a kuhe migidade tawale ili.

⁹ Age nā mā o sasai kedianōu dogōu guyadomōu diho baga tobolōu. Sa sibige o sasai olōu feido dogōu guyadomōu diho baga tobōu yo mei. O sasai nā amokōu makai kedianōu dogōu guyadomōu, a namokōu kuhe diho baga tobolōu, diame ne bi degei dalagua kaha degeimōu.

¹⁰ Mā o sasai olōu feibe ne bi. Haba ne o sasai olōu feibe mā bi. Sa sibige o sasai kedia da

bi kediā dugulo ilibe, diā mā hūbōu mā nelebōu hiyedo ke dugulo ili.

¹¹ A me sa sibige kuokōu hiyedo dalale mei, namokōu iladi. Kenōu si mā o sasai kediamē sa sibige kuokōu dalaguale. Aye, name damaledo Godi, na sagai be ta dala meido. Nage diame ne hu amokōu nei kaha neleyenōu dia dala. Da fi tanōu dala sagai kenōu tefei diane kegenōu dalamabadeba.

¹² A diabōu de dala kōu legebe, age diame hu na amokōu nei kaha dia daladi. Tanōu ta fogōu li mei. O tanōu si a tou fogōu mōu, e yoūsie makoloyadomōu fogōu i. Yobe, Godiha kuguokōu nalai dala keme damaledo tama degeyadomōu.*

¹³ A me namokōu fogōu iladi. Iyo mei, sa sibige kuokōu you dala kōu lege, a hohobōu di mā duledu dala sagai kenōu tefele diane kege hohobōu mabdomōu kuhe diho бага tobolōu.

¹⁴ A ne ta ke mā dabai degedi o sasai kediamokōu hehegieimōu be, haba sa sibige o sasai kediamē diamokōu dafa idi. Yobe, mā o sasai kediamē sa sibige o kediā bi mei, ane sa sibige o kediā bi mei kaha degeimōu.

¹⁵ Age na mā o sasai, sa sibige kuokōu dala ke toto moūma iyedema diho бага tobōu yo mei. Age Tamaha diā makeiye domōu, na diā dia dalayadomōu kuhe diho бага tobolōu.

¹⁶ A me sa sibige koūmahā o mei, diane sa

* 17:12 17:12 Buk Song 41:9

sibige koꝑumaha o mei.

¹⁷ Ne taꝑe damaledo. A tagalibe, na ne ta kaha degeiye, die duledu dabai degeligi, diame noꝑu ne sosou do dege.

¹⁸ Na tobou mou, a migile, sa sibige o sasaiꝑou de dala sagai kenou tefei, age diame ya, sa sibige o sasaiꝑou de dalaguamabeedei.

¹⁹ A ma o sasai dogou gulamou, mayoꝑusie namokou nelikuhe, diame noꝑu ne sosou bolodo degemabdomou.

Yesuha Godiha damaleyodei o sasai olou fei kedia dogou guyadomou diho baga tobou

²⁰ Yesuha haba kou gue diho baga tobou,

Age na ma dabai degedi o sasai kedianou dogou guyadomou diho baga tobou yo mei. O sasai olou fei die ta duloba amokou damaleyodele ile kediane dogou guyedema diho baga tobolou,

²¹ fi tanou degemabdomou. Aye, na abou de dala, haba ane nabou de dala sagai kenou tefele, diame dabou de dalamabdomou. Sa sibige o kediage kegeiba duguobabe, ame na tobou mou migidade tawale ile.

²² Ma hubou ma nelebou hiyedo, na amokou nej keme, age diamokou ne nej, diame fi tanou fei dege, da dala sagai kenou tefele dalamabdomou.

²³ Ame diabou de dalamou, haba nane abou de dalamou dei kaha degeimou, diame fi tanou

fei degemabadomoū a kuhe dihō bagā toboloū. Kegeibasi, sa sibigē o sasaī kediagē, amē nā toboū moū migi, habā nā amokoū hohō degeli sagaī kenoū tefelē nā diamokoū ne hohō degelidade tawale ile.

²⁴ Aye, o sasaī nā amokoū neī kediamē, agē aboū de ā dalakoū dalali, mā hohoboū mā neleboū hiyedō nā amokoū sa sibigē kooū miloū li mei kelegē neī kemē dianē dugulō ke tagali.

²⁵ Aye, namē doūdo o, sa sibigē o sasaī kediagē namē tewē meiyē, namē ā tewē kahā degeimoū, o sasaī amokoū damaleyodele i kediagē amē nā toboū moū migidade tawale ili.

²⁶ Ā diamokoū hehegieimoū, diā nā tewē degei. Ā habā hehegile, nā ā tagadi sagaī kenoū tefelē, dianē diooūsie yogo tagaiba tagaiba deiba, anē diāboū de dalale.

Yesu ē do duguō tolomoū, habā haguā gehē degei

(Tā Hiye 18–20)

18

Judashā Yesū toloū moū ho o kediamokoū sesegu

(Matyu 26:47-56; Mak 14:43-50; Luk 22:47-53)

¹ Dihō bagā tobōu ma mei degeimōu, Yesuhā ē dabai degedi o kedīābōu de tō Kidron dama yai.

To kaha ilobou be hebe hai ta delei. Dia yamou, hebe hai kokou fologai.

² Yesu ho o kediamokou sesegulo o Judas, ene hebe hai ke kou tewe, Yesubou e dabai degedi obou dia kokou kou kefegulo idi kaha.

³ Kegemou, Judas e ami o kedia sosogou haguei. Mogou du dalaguadi hiye obou, Farisi obou kedia kasamane o ilo kelene tobou mou, Judasbou de kamai bou, disio mibou, biyadi bibou de tou ma haguasiei.

⁴ Haguasieimou, Yesu e hagi yomakou haguale keme yoku kou tewe kaha, e ilemou diamokou yodu, nime koyo ka haguasieiya?

⁵ Kege yodumou, o kedia tobou, eibe sa Nasaret o Yesu ka haguasili. Yesuha tobou, o keme a. Judas ene ho o kediabou de tefelei.

⁶ Yesuha o keme ayode tobou mou, o kedia dulo kesigiemou tegulo iye, mihikou fiyasigei.

⁷ Kegemou, Yesuha haba yodu, nime koyo ka haguasieiya? Kege yodumou, dia tobolou i, eibe sa Nasaret o Yesu ka haguasili.

⁸ A nimokou kou tobou, o keme anou. Ni a ka haguasili debabe, o abou de dalagua koudiame tou fogou ba dioku yale.

⁹ E kege tobou kaha yobe, afu e o na amokou makai kediame, age tanou ta tou fogou li meiyode tobou.*

Keme damaledo tama degeyadomou kuhe tobou.

* 18:9 18:9 Jon 6:39

¹⁰ Kegemōu, Saimon Pitaha e aweki me bolou, yukuei foudu sai ke telemou, mogou du daladi hiye o kaha dabai o ke fai, kehe dele ke taga mugu mihikou fiyei. Dabai o kaha hube Malkus.

¹¹ Kehe ke mihikou fiyoumou, Yesuha Pitakou tobou, ne aweki ke boholou sagi. Hagi ma Aye Godiha a duguyedei keme, nage a hagi ke dugulobe dafoloyode tawali?*

Diq Yesu o Anaskou mala yai

¹² Kegemou, ami o kediabou, die hiye obou, haba Juda o kedia kasamane o kediabou de Yesu tolou tigama,

¹³ o Anaskou mala yai. O keme Kaiafasha e kei. Kaiafasbe sadebe dia Yesu woumou tolo i kelegebe mogou du daladi hiye o delei.

¹⁴ O keme, afu, Juda o kediakokou, o olou fei dowobe o tanou ye tolosi bolofeyode tobou ke.*

Pitaha Yesube e tewe meiyode tobou

(Matyu 26:69-70; Mak 14:66-68; Luk 22:55-57)

¹⁵ Kegemou, o kedia Yesu tolou tigama mala youmou, Saimon Pitabou, Yesuha dabai o tabou dilie Yesu sesele yai. Yesuha dabai o ta keme mogou du daladi hiye o kaha ge kou tewe kaha degeimou, e Yesu sesele, mogou du daladi hiye o kaha moso kekaimidu felei.

¹⁶ Kenou si Pita eme feli mei, kekai adi hafei dege tefelei. Tafalamou, Yesuha dabai o, mogou

* **18:11 18:11** Pisin taeye ta makainou tobou. Kalai taeye ta sibige kenou nalaj. * **18:14 18:14** Jon 11:50

du daladi hiye oḥa kōu tewe kaḥa bohōlou mā hagua, kekai adi dia daladi sasai kokōu tobōu ma, Pita kuhe wolōu felei.

¹⁷ Pita foloumōu, kekai adi dia daladi sasai kaḥa duguomōu yodu, didiḡ degei o kaḥa dabai o tabe na? E sima tobou, kege mei, ame o kaḥa dabai o meido.

¹⁸ Folomōu dugube, mogōu du daladi hiye oḥa dabai obōu, kasamane obōu kediḡ sa kulio degeimōu, dou tōu ma ha tafalaguamōu, Pita ene diḡbōu de dou ke ha tefelei.

*Mogōu du daladi hiye oḥa Yesu ta sai
(Matyu 26:59-66; Mak 14:55-64; Luk 22:66-71)*

¹⁹ Kelege, mogōu du daladi hiye oḥa Yesukōu e dabai o kediḡbōu, egei e hehegiedi kebōu de tawalamōu yodugai.

²⁰ Yesuḥa sima tobou, age tamakōu genōu o sasai kediamokōu hehegiedi. Age Juda o sasai di kefegudi egei mosodugebōu Godiḥa moso kekaimidugebōu denōu egei hehegiedi, mogogōu ta hehegiediyo mei.

²¹ Na amokōu kageimōu yodugouya? Na o sasai mā ta dulo idi kediamokōu yoduga, ta a toboudibe diḡ tewe.

²² Yesuḥa kege tobōu mōu, kasamane o hafei dege tafala kaḥa e midihokōu famōu tobou, kageimōu na mogōu du daladi hiye o kokōu kege sima tobōu ya?

23 Yesuhā tobou, ā tā kasagaī tobou debabe, nā amokoū defeidō tobou. Habā ā tā bolodō tobou debabe, nā kageimoū ā fouya?

24 Kegemoū, Anashā toboū moū, habā Yesu woū ma, mogoū du daladi hiye o Kaiafaskoū yai. Tigiye tigei kē kusieli mei, kege dalamoū.

*Pitahā habā Yesube ē tewe meiyode tobou
(Matyu 26:71-75; Mak 14:69-72; Luk 22:58-62)*

25 Saimon Pita ē dou ha tafalamoū, o kediā emokoū yodu, nane didiō degei o kahā dabai o ta? Ē habā sima tobou, kege mei, ame o kahā dabai o mei.

26 Kegemoū, mogoū du daladi hiye ohā dabai o Malkushā* sosoū tahā Pitakoū koū gue tobou, age nane didiō degei o keboū de hebe haikoū tafalamoū dugu.

27 Pitahā habā, kegei meiyode toboū moū, kelegenoū sio ayomoū tai.

*O kediā Yesu o Pailatkoū woloū yai
(Matyu 27:1-2, 11-14; Mak 15:1-5; Luk 23:1-5)*

28 Sabiyomoū, Juda o kediā Kaiafashā mosō toū fogoū moū, Yesu gamani hiye o kokoū woloū yai. Kenoū si diame Gabama I Sawisiei kahā dowo kē wai sipsip nalā ilamoū degele ili kahā degemoū, diā gamani o kahā mosodu fologali

* **18:26 18:26** O Malkusbe Pitahā faj̄ kehē dele tagā mugu o kē (Jon 18:10).

mei, adikou nou tefeleguei. Kegeligi, dia Godiha dihile kokou sibigi degeiye domou.*

29 Adikou tafalaguamou, Pailatha migilemou, diamokou yodu, nige o koume kei dowoye ta salamou degele iya?

30 Dia tobolou i, o koume midihou kasagai milou gadiyo mei debabe, ei namokou ta wolou haguasieyo mei.

31 Kegemou, Pailatha Juda o kediakou kou gue tobou, ni o ke wolou ya, niou ni kuolou sesele ta sama. Pailatha kege toboumou, Juda o kediage, eibe o ta wouba tolo ilebe kuolou yodele i.*

32 Juda o kedia kege tobolou i kaha yobe, afu Yesuha eme obe wouba tolo ileyodei keme damaledo tama degeli kehedomou kuhe tobolou i.

33 Kegemou, Pailatha mosokou bohoulou ma folomou, Yesu haguismou foloumou yodu, Juda o kedia hiye obe na?

34 Yesuha sima tobou, na nouunou tawaga amokou yodulu? Haba o tae a degegai ke tobou mou dulomou kuhe yodulu?

* **18:28 18:28** Gamani o keme Pailat. Pailat eme Juda o mei, eme sa Rom o. Juda o kedia kuolou yege, dia sa ta o taha mosodu fologaba, dia Godiha dihile kele sibigibou dalali, Gabama I Sawisie kaha dowo ke wai sipsip nala ilebe kuolou hiyedo. * **18:31 18:31** Sa Rom o kedia Juda o kediakou o ta sama wodamabeedema kuolou dogogulo i. O ta sama hebe fufuguomai kou ikoke degedi midihobe sa Rom o kedia midihou.

³⁵ Pailathā sima tobou, ume Juda o mei. Noŋu ne sosou bou, mogou du dalaguadi hiye obou kedia na amokou sesegulo ili. Na kei degeiye dia na amokou wolou haguasilou?

³⁶ Kegemou, Yesuha tobou, ume sa sibige o sasai kedia hiye o mei. A sa sibige o sasai wolou dala debabe, ma o dia biyouba, ume o taha Juda o kediāmokou sesegulo sagai mei. Kenou si ma sabe sa sibige kuokou mei.

³⁷ Kege tobou mou, Pailathā yodu, name damaledo o sasai kedia hiye o? Yesuha sima tobou, nage ume o sasai kedia hiye oyodilibe noŋunou tobolou. Ma adiou ha a sa sibige kuokou mala feleibe, a dabi tanou fei damaledo ta kenou hehegielamou. O olou fei ta damaledo ke dulo seseli kediamme ma ta dulo idi.

³⁸ Pailathā yodu, ta damaledo keme kei?

Pailathā Yesu hebe fufuguomai kou i koke degemabeedei

(Matyu 27:15-31; Mak 15:6-20; Luk 23:13-25)

Pailathā kege tobou ma fogou, haba mihikou mulomou, Juda o kediāmokou tobou, age o koŋume midihō kasagai milou ta duguli mei.

³⁹ Kenou si age sadebe olou fei, Gabama I Sawisiei tou mou be, didio o tanou telemadi. Ni tagalibe, age Juda o ni hiye o koŋume telemale?

⁴⁰ Kenou si, o kedia ta digio degemou, o ke mei, o Barabas telemayedele i. Barabas eme sa Rom gamanibou de biyoumou kuhe didio degei.

19

¹ Kegemōu, Pailathā tobōu mōu, ami o ilo kedia Yesu tigi dofōu ye woma,

² tigi ayebōu ta malamōu, hiye o kedia heti sagai kege milōu gamamōu, Yesuha widiletōu mugulo i. Yukuei wej degei sasado ta kene emokōu kagile i.

³ E midihoya ke ima haguama dele iligi susuga tobolōu i, Juda o kedia hiye o na gusugu bolofejyodele imōu, e midihokōu fa i.

⁴ Kegemōu, Pailathā haba tamakōu migile, Juda o kedia mokōu tobou, a o ke nimokōu wolōu migiba, ni tawama, age eme midihō kasagai ta milōu li mei dugulu.

⁵ Kege tobōu mamōu, Yesu telemōmōu tamakōu migimōu dugulo ibe, tigi ayebōu heti бага milou ke widiletōu mugu kebōu, yukuei wej degei sasado kebōu de kai kaha migimōu dugulo i. Pailathā tobou, duguma, o koume kuhe.

⁶ Kegemōu, mogōu du daladi hiye obōu, kasamane obōu kedia Yesu duguomōu, ta digio dege, hebe fufuguomai kōu ikoke dege. Hebe fufuguomai kōu ikoke degeyede tobolōu i. Pailathā sima tobou, niōu wolōu ya, ikoke degema. Age eme midihō kasagai ta milōu li mei dugu.

⁷ Kenōu si Juda o kedia kōu gue sima tobolōu i, ei kuolōu ta dala, kuolōu kahage o koume

toyedei, yobe e yoꝑusie eme Godiha Dihiyode tobou di kaha.

⁸ Kege tobolou imou, Pailatha dulomou, gue hiyedo degei.

⁹ E mosodu bohoulou ma folomou, Yesukou yodu, ne sabe kilija? Kenou si Yesuha ta ta sima tobou li meido.

¹⁰ Kegeimou, Pailatha yodu, na amokou ta tobolou dafa? Nage ame hiye o ke de tawali? A ikoke degemabeede tobou babe, dia na ikoke degele ile. Haba a na tou fogou mabeedeibabe, dia na tou fogou le ile.

¹¹ Kegemou, Yesuha Pailatkou tobou, o hebenitou duwo kaha namokou hu hiye ke nelj mei debabe, name nelebou mei, na a huyafei degele sagai mei. Kegeimou, midihog kasagai na milolou keme huyadefei. O a wolou hagua, namokou sesegu o keji e midihog kasagai hiyedo folodo.

¹² Pailat e Yesuha kege tobou mou dulomou, e Yesube kage tou fogolou domou fimā delei. Kenou si Juda o kedia ta digio dege tobolou i, na o kou tou fogou babe, name hiye o Sisarha mogo mei. O koyoha yoꝑusiebe o sasai wolou daladi hiye oyode tobou babe, o keme Sisarha ho o.

¹³ Kege tobolou imou dulomou, Pailatha Yesu mihikou wolou mulo, Igiye Fafai Sa kokou yamou, Pailat e ta sai fidi o kaha duwodi kotou duwei. Igiye Fafai Sa keme Hibru ta Gabata-yodele idi.

14 Sawisiei keme Gabama I Sawisiei kaha nale kefele idi sawisiei. Agali degeimou, Pailatha Juda o kediamokou tobou, duguma, o kokuume ni hiye o.

15 Kenou si o kedia ta digio dege tobolou i, mala ile, hebe fufuguomai kou ikoke degeyedele i. Pailatha yodu, a ni hiye o kou de ikoke degele? Mogou du dalaguadi hiye o kedia kou gue tobolou i, ei hiye obe ta dala mei, tanou fei sa Rom o Sisarnou.

16 Kegemou, Pailatha ise Yesu hebe fufuguomai kou ikoke degemabdomou, ami o kediamokou sesegumou, wolou yai.

*Diā Yesu hebe fufuguomai kou ikoke degele i
(Matyu 27:32-44; Mak 15:21-32; Luk 23:26-43)*

17 Yesuha yoku e hebe fufuguomai ke hebele iligi, O Widio Dio Sakou fologai. Hibru taeye Golgotayodele idi.

18 Fologamou, o kedia e hebe fufuguomai kou ikoke degele i. O boloune Yesubou de ikoke degele i. Ta ilokou, ta ilokou. Yesube duo kile.

19 Kegemou, Pailatha tobou mou, dia ta ta nalāmamou, Yesuha widio hebe kotou diou golou i. Nalaj keme kou gue:

SA NASARET O YESU,
JUDA O KEDIA HIYE O.

20 Nalaj keme Hibru tabou, Rom tabou, Grik tabou de nalaga i. Yesu hebe fufuguomai kou ikoke degele i sa keme Jerusalem hafei kaha,

Juda o sasaj sudo kedia haguasie nalagai ke husolou i.

²¹ Kegemou, mogou du daladi hiye o kedia nalaj ke husouma, Pailatkou tobou, na Juda o kedia hiye oyode nalada, o kahage, ame Juda o kedia hiye oyode tobouyode nala.

²² Kegemou, Pailatha sima tobou, a kage nalaj keme kehefej.

²³ Ami o kedia Yesu hebe fufuguomaiku ikoke degema fogou mou, e yukuei ke dosou yosi kege kefema mamamou, dia maj tanou tanou mala i. E tou mugu sasado keme sasaj kedia gofolou ili mei, yukuei tanou feije milou gai dugulo i.

²⁴ Kegeimou, dia tobolou i, tou mugu kouume diafou dame. Di yame. O koyoha yayiye bolu degeibabe, yukuei keme e molou. Dia ke degele i keme Godiha kuguokou,

Dia ma yukuei fimamou, ma tou mugube dia yama, o taha yaj bolu degeimou, e moyodei *Buk Song 22:18*
ke damaledo tama degei.

²⁵ Yesuha e adiou bou, e adiou tabou, Klopasha sasaj Mariabou, sa Makdala sasaj Maria tabou dia hebe fufuguomai hafej dege tefeleguei.

²⁶ Tafalaguamou, Yesuha dugube, e adiou bou, e dabi o ta, e mogodo, kebou dilie hafej dege tafalaguamou, e adiou kou tobou, adiou, o kouume ne dihi.

27 Haba e dabai o kokou tobou, sasa koume ne adiou. Kelege tofougou mou, o kaha Yesuha adiou e mosokou wolou ile delei.

Yesu tolo i

(Matyu 27:45-56; Mak 15:33-41; Luk 23:44-49)

28 Yesuha ise e dabaibe olou fei mei degeidade tawalemou, a huei nale sagai degeliyodei. Ta ke tobou kahage, ta ta Godiha kuguokou nalai dala ke* damaledo tama degeiyodemou tobou.

29 Ami o kedia ke dulomou, hebe kolo huei dou afido ta kele dala kodu bi suo degei ke muguomou, hebeya ta kokou tigama, hebele foguomou, Yesuha mogoukou elegulo i.

30 Yesuha hebe kolo huei ke namamou, mei degeliyode tobou ma, e widio suguama fiyamou tolo i.

Ami o taha Yesuha figikou malaye ti

31 Sawisie, o kedia Yesu ikeke degele i kelegebe, misiholo duwodi sawisie hiye kaha nale kefedo sawisie kaha degeimou, Juda o kedia o ikeke degei kediam kege dalaguale dafoumou, Pailatkou die ibigidio gobou giba, toto tofigieiba, oe mouma yamabadomou tobolou i.

32 Pailatha ta ke dulomou, ami o ilo kele tobou mou ya, Yesubou de ikeke degele i o bolou kedia ibigidio gobou gile i.

33 Kenou si Yesube kou tolo i degeimou, e ibigidio ta gobou gile ili mei.

* 19:28 19:28 Buk Song 69:21

³⁴ Haba ami o taḥa malaye Yesuha figikōu timōu, kelegenōu kafeibōu hueibōu de migimōu dugu.

³⁵ O ke dugu kaha ta damaledo tobolōu kuhe.* O kahage ta e tobolōu koḥume damaledadili. Nīne damaleyodemabadomōu kuhe nalolu.

³⁶ Midiho olōu fei ke hagua kogu keme mōu yoḥuwa tama degeli mei. Godiha kuguokōu nalagai ke damaledo tama degeyadomōu kuhe tama degei. Nalaj ta keme kōu gue nalaj, Diā e dio ta gobolōu ile mei. *Kisim Bek 12:46*

³⁷ Nalaj ta keme kōu gue nalaj, O figikōu malaye ti keme diā dugulo ile. *Sekaraia 12:10*

Yesu tei mala ya, ulou ebele dai ta kodu dogogulo i

(Matyu 27:57-61; Mak 15:42-47; Luk 23:50-56)

³⁸ Sa Arimatea o, e hu Josep, ene Yesuha dabai oye, kenōu si e Juda o kediaḡmokōu gue degeimōu, e damaleyodei tama degeli mei. Kegemōu, Josepha Yesu tei mala ilamōu, Pailatkōu ile yodumōu, Pailatha deyodemōu, e ile Yesu tei mala i.

³⁹ Yesu tei moḥu ibe, o ta e hu Nikodemusha Josepbōu de i. Nikodemusha hebe kolo mola ho bolodo tei hudi ke hiyedo 30 kilo sagai kege mala i. Nikodemusbe o huliame ta kelege Yesubōu de ta kei o ke.*

* **19:35 19:35** O keme kuguo koḥu nalaj o Jon sa degei. * **19:39 19:39** Jon 3:1-21

⁴⁰ Dilie Yesuhā tōu kokōu mola hō bolodo kē humamōu, yukuei fō degei kaha tiga i. Keme Juda o kedia tei widalamōu degedi sagai kenōu tefele degele i.

⁴¹ Yesu hebe fufuguomajkōu ikoke degele i sa kelebe, hebe hai sa ta hafei kele delei. Hebe hai sa kokōu be, obe ulou ebele dama fogou ta delei. Ulou kodube tei ta dogogulo ili mei.

⁴² Sawisiei keme Juda kedia nale kefele idi sawisiei kelege kaha degeimōu, dilie Yesu tei toto malā ya, ulou dai kodu dogogulo i, ulou dai keme hafeido dala kaha.

20

Yesu e haba hagua gehe degei

(Matyu 28:1-8; Mak 16:1-8; Luk 24:1-12)

¹ Misiholo duwodi sawisiei kē mei degeimōu, sa you biyoumōu, sa Makdala sasai Mariaha Yesu widaikōu ile dugube, ulou a tefei igi hiyedo keme kogolo i figikōu dogogu dalamōu dugu.

² Duguomōu, boholōu mā foukua hagua, Saimon Pitabōu, Yesuhā e mogodo, e dabai o kebōu diliemokōu tobou, di Hiye O tei widai keme oe malā ya, dogogulo i sa keme ei ta tewe mei.

³ Kegemōu, Pitabōu, dabai o ta kebōu dilie haguamōu, toto widaikōu yai.

⁴ Dilie foukua yaibe, o ta kaha Pita gabamōu, widaikōu ebukōu ile felei.

⁵ Folomōu, adikōu genōu ulou daimidu dugube, yukueiyenōu tilamōu dugu, kenōu si e dugule feli mei.

⁶ Adikōu nōu tafalamōu, Saimon Pitaha habage haguamōu, uloududo folomōu dugube, Yesu tigei yukuei kahanōu dalamōu dugu.

⁷ Haba e widio tigei yukuei keme defei boguado tigama esofei dogogu dalamōu dugu.

⁸ Ise, dabai o, ulou dai kokōu ebukōu ile felei, ene ulodu folomōu, Yesu tei tila mei ke duguomōu damaleyodei.

⁹ Kelegebe Godiha kuguokōu Yesube toloba haguā gehe degeleyodei keme,* dilie ta tawale ili mei.

¹⁰ Kegemōu, dilie boholōu mā mosokōu yai.

*Sa Makdala sasai Mariaha Yesu dugu
(Matyu 28:9-10; Mak 16:9-11)*

¹¹ Kegemōu, Maria e ulou dai adi kokōu gosolo tafalali, ulou daimidu dugube,

¹² esol o yukuei fo degei kai bolou Yesu tei dogogu kokōu duwoguamōu dugu, tabe widio hebekōu, tabe kati hebekōu.

¹³ Esol o bolou kedilie yodu, sasai, na kageimōu gosouya? E tobou, o kedia mā Hiye O tei mala yai, dia dogogu sabe a tawaiyo mei kaha kuhe gosoulu.

¹⁴ Kege tobou ma, boholōu mōu dugube, Yesu tafalamōu dugu, kenōu si ege o keme Yesudade tawali mei.

* 20:9 20:9 Buk Song 16:10

15 Kegemōu, Yesuhā Mariakōu yodu, nā kageimōu gosouya? Nā koyo ka haguei? Maria e tawaibe, o keme hebe hai sa ke dia daladi oyademōu, o kokōu, tei koꞑume nā malā i debabe, nā dogogu sa ke amokōu tobōu ba, a ile moloꞑuyode tobou.

16 Kege tobōu mōu, Yesuhā e hu sōu, Maria deimōu, e haba bohōlōu mōu Hibru tae Rabonai de tobou. Ta kahā sibigebe Tisa Hiye.

17 Yesuhā tobou, nā a tōu da, yobe ame Aye Godikōu ili mei, you dala kahā. Kenōu si nā mā mogo diāmokōu ileba, ame mā Aye, nī Ayekōu iliyode, mā Godi, nī Godikōu iliyode tobou.

18 Kegemōu, sa Makdala sasai Maria e ile, Yesuhā e dabai degedi o kediamokōu, age di Hiye Obe kōu duguyodema, Yesuhā emokōu tobou ke olōu fei diāmokōu tobou.

*Yesuhā e dabai o kediamokōu tamā degei
(Matyu 28:16-20; Mak 16:14-18; Luk 24:36-49)*

19 Misiholo duwodi sawisie i ke mei degeimōu, sawisie ta kahā huliā degeimōu, Yesuhā dabai o kedia Juda o kediamokōu guē degeimōu, mosokōu kefema, a tefegama duwoguamōu, Yesuhā dia duwogua kilegenōu tamā degemōu tafalali, nī bologuado dalaguamabeede tobou.

20 Kege tobōu mamōu, e dobogoꞑubōu, e figikōu bōu malaye ti ke diāmokōu hehegiei. Dia Hiye O duguomōu, hohō hiyedo degele i.

21 Hoho hiyedo degele imou, Yesuha haba tage nime bologuado dalamabeede tobou. Aye Godiha a tobou mou haguei sagai kenou tefele ane ni tobou ba yaleyode tobou.

22 Kegemamou, e diamokou mogouye haguiguomou, ni Duo Bolofei momumabeede tobou.

23 Ni o taha midihog kasagai milou ke gebe mei ho fogou babe, o keme hebe kasagai moloou. Ni o taha midihog kasagai milou ke gebe meiyodeibasi, Godihane o kaha midihog kasagai keme gebe meiyodeiba mei degele.

Yesuha Tomaskou tama degei

24 Yesuha e dabai degedi o kediamokou tama degei kelegebe, o olou fei 12 kege suluguadi o ta Tomas, e hu tabe Didimus, eme kokou deleli mei.

25 Kegemou, dabai degedi o ilo kedia emokou be, eige di Hiye Obe kou dugulo iyode tobolou i. Kenou si e tobou, ikoke degele i a, e dobogoukou dala kokou, a ma dobogou dosou muguo dugu ho fogou babe, age ta damaleyodele mei. E figikou malaye ti a kokou ne a dobogou mugu ho fogou babe, age damaleyodele mei.

26 Fula ta mei degeimou, Yesuha e dabai degedi o kedia haba mosokou kefema duwoguamou, Tomas ene duwei. A tefega ima duwoguamou, Yesuha dia duwogua kilegenou haba tama degema tafalali, ni bologuado dalamabeede tobou.

27 Kele tafalali, Tomaskou tobou, na hagua, ma dobogo ukou ne dobogou dosou ye muguo dugu. Haba, ne dobogou uye ma figikou ne muguo dugu. Na hobou fi bolou degeda, amokou nou damaleyode.

28 Kege tobou mou, Tomashage name ma Hiye O, ma Godiyode tobou.

29 Kegemou, Yesuha emokou, name a duguomou kuhe damaleyodili. Kenou si o a duguli mei damaleyodele i kediame hohobou mabeede tobou.

Kuguo kounuma e sibigedo

30 Yesuha e dabai degedi o kedia dihile kokou midihogehe gehe sudo milou gai. Kuguo kuokou be olou fei keme nalagali mei.

31 Midihogehe gehe milou gai ke nalagai kaha yobe kou gue, nige Yesu eme Godiha Dihi, Godiha makai o Kelesudade tawamabadomou . Ni emokou damaleyodebabe, e huya ke fi tofousogo tofousogo kegenou tofolou ke molo u.

Yesuha e dabai degedi o kedi mokou haba tage tama degei

(Ta Hiye 21)

21

Dabai degedi o dioyosi kege kedia Yesu dugulo
i

1 Kegemōu, Yesuha ẹ dabai degedi o kediamokōu haba ta tamā degeibe, ẹ ohueiyai Taiberias* biyakōu ge kōu gue tamā degei.

2 Saimon Pitabōu, Tomas, ẹ hū tabe Didimusbōu, haba sa Galili duo kile sa Kana o ta Natanielbōu, haba o Sebediha dihi bolōu kegebōu, haba Yesuha ẹ dabai degedi o bolōu tabōu de dioṽufeṽi keke kefema deleigui.

3 Keke kefema dalaguali, Saimon Pitaha, ẹ me neke mā ilamōu degeliyode tobōu mōu, o ilo kediane, di dioṽufeṽi imebeede tobolōu i. Diā mosole sama ya, huliā sogo dabai hiyedo kōu degele iye, kenōu si miye ta malā ili mei.

4 Neke maga iligi sabiyomōu dugube, Yesube ohueiyai biyakōu tafalamōu dugulo i. Diāge o keme Yesudade tawale ili mei.

5 Ẹ tafalali diamokōu haguisa yodu, mogo diāma, nṽ miye ta de malā i? Eibe miye moṽuyo meiyode tobolōu i.

6 Kege tobolōu imōu, ẹ diamokōu tobou, neke mosole figi deleya hebele muguoba, miye moṽumabeede tobōu mōu, diā ke dulomōu neke deleya ke hebele muguomōu dugube, nekebe miye sūdo sai amamāṽi dugu. Mosole fodu malā folo sagāṽi duguli mei.

7 Kegemōu, dabai degedi o Yesuha ẹ mogodo kaha Pitakōu tobou, o keme di Hiye Oyodei. Saimon Pitaha ke dulomōu ẹ yukuei sasado

* 21:1 21:1 Ohueiyai kaha hū tabe Galiliyodele idi.

digima mai ke kamou, ohueiyaikou fogu fiamou i, Yesuha tafala kokou felei.

⁸ E fogu fiya imou, dabai degedi o ilo kediane mosoleye e habage sesele yai. Ohueiyai biya ahu mei, mita olou fei 100 sagai kegenou fei kaha degeimou, neke foudu miye sai kege dalamou, ohueiyai biyakou gisigama yai.

⁹ Ohueiyai biyakou ya fologamou, dou wobolou kokou dugube, miyebou ou bou de si dalamou dugulo i.

¹⁰ Yesuha dia fologoumou duguomou tobou, miye ni mala i keme ilo kelebe amokou mala haguama.

¹¹ Kege tobou mou, Saimon Pitaha mosole foudu folomou, neke gisigama biyakou felei. Neke keme miye sai amamai. Miyebe hiye hiyedo olou fei 153 kege moye, kenou si nekebe dulali mei, yofu bolodo kegenou delei.

¹² Kegemou, Yesuha diamokou, ni hagua, nale namabeede tobou. Die o taha ta name koyo? de yodulo ili mei. Gu ke degele iye, kenou si o keme die Hiye Odade tawale i.

¹³ Fologoumou, Yesuha doulukou ou si ke mouma, diamokou nei. Miyene mouma nei.

¹⁴ Yesuha tolomou hagua gehe degemou, e dabai degedi o kediamokou tama degeibe, ohueiyai biyakou keme komama tama degei.

Yesuha Pitakou, name ma wai sipsip wou ma dalayede tobou

15 Kegemōu, nale nala ima mei degeimōu, Yesuha Saimon Pitakōu yodu, Jonha dihi Saimon, nage ame tagai hiyedo kaha degeimōu, o ilo koŋudia a tagai keme nage de gabai? Pitaha tobou, Hiye O, na tewe, a na tagai keme na kou tewe. Kegeimōu, Yesuhage, name ma wai sipsip sisigefei ke dabayede tobou.

16 Kegemōu, Yesuha Saimon Pitakōu haba yodu, Jonha dihi Saimon, na a tagaibe de hiyedo? de yodu. Pitaha tobou, Hiye O, na tewe, a na tagali keme na kou tewe. Kegeimōu, Yesuhage, name ma wai sipsip kedia wou ma dalayede tobou.

17 Kegemōu, Yesuha Saimon Pitakōu haba tage yodu, Jonha dihi Saimon, nage ame de tagali? Tage kege yodumou dulomou, Pitaha yoŋusie solou do dege fimamou tobou, Hiye O, na olou fei tewe. A na tagali kene na kou tewe. Kegeimōu, Yesuhage, na ma wai sipsip olou fei ke dabayede tobou.

18 Kegemōu, Yesuha Pitakōu tobou, a namokou damaledo tobolou kuhe, name gisiai kelegebe, na yukuei noŋunou mou sama, noŋu tagali sagai kele siadi. Na odo degeibabe, na dobogoŋudio doŋsusuguba, o tae na yukuei mou samaba, sa na ile tagali mei kokou wolou ile.

19 Yesuha ta ke tobou kaha sibigebe kou gue, Pitabe kagei toubasi, o sasai kedia Godikou hohobolou domou kege kuhe tobou. Yesuha kege tobou mamou, Pitakou da imebeede tobou.

Dabai degedi o, Yesuha ę mogodo kaha degele ta

²⁰ Kegemou, Pitaha bohoulou mou dugube, dabai degedi o Yesuha ę mogodo kaha, dilie sesele hagumou dugu. Afu nale nala i kelege, o kahage Yesuha kihiyodu amafei, Hiye O, name o koyohado ho o kediamokou sesegulo? de yodu.

²¹ O ke hagumou duguomou, Pitaha Yesukou yodu, Hiye O, o keme kagele? de yodu.

²² Yesuha Pitakou tobou, age o keme youu kegenou dalaba ibe deba, a bohoulou ma haguale ke tagali. A emokou degele keme ne biyodema tobolou? Name anou sesele haguayedo tobou.

²³ Yesuha ta kege tobou uwo keme damaleyodele i o sasai kedia dulomou tawale ibe, dabai degedi o keme damaledo tolo meiyade tawale i. Kenou si Yesuhage o keme tolo ile meiyode tobou li mei. Ege kou gue tobou, age o keme youu kegenou dalaba ibe deba, a bohoulou ma haguale ke tagali. A emokou degele keme ne biyodema tobolou? de tobou.

²⁴ Dabai degedi o kahage olou fei ke nimokou hehegiemou nalagai kuhe. Di tewe, ta ę hehegili koume damaledo ta.

²⁵ Yesuha dabai sudo ilo kelene kou dege-gadiye, kenou si dabai tanou tanou olou fei ę degegai keme oe kuguokou olou fei nalaga i debabe, dige kuguo sudo olou fei ke kiliya maga ile? Di sa sa olou feibe kuguo sudo ke magalebe timou mei degele, mou fegegulo.

Konai

Konai: Godiha Ta Bolofei New Testament Nupela Testamen long tokples Konai long Niugini

copyright © 2014 Wycliffe Bible Translators, Inc.

Language: Konai

Contributor: Wycliffe Bible Translators, Inc.

All rights reserved.

2025-05-08

PDF generated using Haiola and XeLaTeX on 7 May 2025 from source files
dated 8 May 2025

8c47cab8-fc6e-524e-936f-c52eba70db94